



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

OL 45778.100

Harvard College
Library



FROM THE BEQUEST OF
JOHN HARVEY TREAT
OF LAWRENCE, MASS.
CLASS OF 1862

cover

ԱԶԳԱՅԻՆ ՄԱՏԵՆԱԴԱՐԱՆ



ԱՐԵՒԵԼԵԱՆ ՀԱՅԳ

Ի ՊՈՒՔՈՎԻՆԱ



ԹՐԳՄՆ.

Հ. ԳՐԻԳ. Վ. ԳԱԼԵՄՔԵԱՐԵԱՆ

ՄԽԻԹ. ՈՒՍՏԷՆ



ՎԻԵՆՆԱ

ՄԽԻԹԱՐԵԱՆ ՏՊԱՐԱՆ

1891.

ԱՐԵՒԵԼԵԱՆ ՀԱՅԳ

Ի ՊՈԻՔՈՎԻՆԱ

ԱԶԳԱՅԻՆ ՄԱՅԵՆԱԴԱՐԱՆ

Nat. Lib.



4

ԱՐԵՒԵԼԵԱՆ ՀԱՅՔ

Ի ՊՈՒՏՈՎԻՆԱ



ՎԻՆԵՆԱ

ՄԽԻԹԱՐԵԱՆ ՏՊԱՐԱՆ

1891.

ԴԵՍԵՏՐԻՈՍ ՏԱՆԻ

ԱՐԵԻԵԼԵԱՆ ՀԱՅՔ

Ի ՊՈՒԳՈՎՆԱ

ԹՐԳՄՆ.

Հ. ԳՐԻԳՈՐԻՍ Վ. ԳԱԼԷՄՔԵԱՐԵԱՆ

ՄԽԻԹ. ՈՒԽՏԷՆ



ՎԻՆՆԱ

ՄԽԻԹԱՐԵԱՆ ՏՊԱՐԱՆ

1891.

~~OL 45778.3~~

~~OL 43311.5~~

OL 45778.100

Harvard College Library

Apr. 29, 1921

Treat fund

Kalemkanean, G.
=

Ա Ջ Դ

Մատենաս¹ Թարգմանութեամբ հայ հասարակութեան ներկայացընելով՝ շենք ուզած քնաւ քովանդակութեանն լիովին հաւանութիւն ընծայել: Մասնական եւ կարեւոր գործ մը երեւցած է մեզ երկասիրութիւնս, որ իւր նոր եւ քաղմակողմանի տեղեկութիւններով՝ Պուքովինայի հայ գաղթականութեան պատմութեան ամբողջական ստուերագիծը կը պարզէ ընթերցողին առջեւ: Հեղինակն չմիացեալ յունադաւան եկեղեցական ըլլալով՝ քնական է որ տեղ տեղ համեմատ չի խօսիր ազգին մերթ մէկ եւ մերթ միւս մասին կրօնական զգացմանց:

Մեր գործն էր ներկայացընել երկասիրութիւնն ամբողջ ինչպէս որ է, քանի մը տեղ միայն ծանօթութիւններ աւելցընելով:

ԹԱՐԳՄԱՆԻՉԸ



¹ Dan D., Die orientalischen Armenier in der Bukowina. Czernowitz 1890. [Verbesserter Separat-
abdruck aus der „Czernowitzer Zeitung“ 1890. N. N. 81,
86, 95, 101, 104, 116, 122, 129, 137, 141, 145, 147.]

ՅԱՌԱՋԱԲԱՆ

Պուրովինայի հետաքրքրական ազգայնութեանց մէջ ստուգիւ ամենակարեւոր դիրքն ունին Արեւելեան Հայք:

Գործոյս մէջ ջանացի նոյն ազգին եւ անոր եկեղեցւոյն վերաբերեալ ամէն պատմական նիւթերն հաւաքել, — որ ոչինչ նուազ դժուարութիւն ունէր, վասն զի մինչեւ ցայսօր ոչ ոք ի մասնաւորի այս ազգին պատմութիւնն հետազօտած է. — նոյնպէս ջանացի այս ազգին պատմութեան եւ կրօնին վերաբերեալ սխալ կարծիքներն ուղղել, եկեղեցական եւ աշխարհական անծանօթ կարգ ու սովորութիւններն ամէնուն ծանօթացընել, եւ շատ քան մոռացութեան ձեռքէն ազատել եւ ապագայ սերնդեան աւանդել:

Կը խոստովանիմ, որ գործոյս մէջ շատ քաներու վրայ մանրամասն եւ ճշդագոյնս պէտք էր գրել, սակայն կրնամ յար-

գոյ ընթերցողին ներողամտութիւնը խըն-
դրել, մանաւանդ որ ի՞ծի համար եթէ ամե-
նեւին անկարելի չէր մանրամասն ուսում-
նասիրել՝ գէթ շատ դժուարութիւններով
եւ արգելքներով կապուած էր՝ պաշտօնա-
տեղոյս մայրաքաղաքէն եւ ասոր մատե-
նադարաններէն շատ հեռու ըլլալուն հա-
մար :


Եռագիմեց, Յուլիս, 1890:

ԴԵՄԵՏՐԻՈՍ ՏԱՆ



ԱՐԵՒԵԼԵԱՆ ՀԱՅԳԻ ՊՈՒԲՈՎԻՆԱ

ՆԵՐԱԾՈՒԹԻՒՆ

այկական պետութիւնք հնագոյն ժամանակներէ վեր ներքին Ասիայէն եւ Ափրիկէէն եկող ազգայնութեանց ասպարէզ էին: Մշուէք, Եգիպտացիք, Պարսիկք, Տաճիկք եւ Թաթարք արշաւեցին այս երկիրներն, աւար առին, աւերեցին եւ նաեւ ատեն ատեն տիրապետեցին:

Այս անմարդավայել անգթութիւններէ զերծանելու նպատակաւ, այլեւայլ ժամանակներ Հայոցմէ շատերն իրենց հայրենիքէն մեկնեցան, իրենց ինչքն ու ստացուածքն անյագ տիրապետողներու թող տալով, ուրախութեամբ՝ որ լոկ իրենց կեանքն ազատել կարող եղան, աշխարհիս ամէն կողմը ցրուեցան, եւ երբ նաեւ Հայոց մայրաքաղաքն Անի 1313ին երկրաշարժէ կործանեցաւ, եւ յետոյ 1378ին Եգիպտացւոց ձեռքն ինկաւ, թէեւ Հայք քաջութեամբ եւ երկայն ատեն ընդդիմացան, եւ երբ վերջին հայ թագաւորն Ղեւոն Զ Գաղղիա փախած էր իւր թշնամեաց դէմ օգնութիւն փնտռելու համար, այն ատեն Հայոցմէ հազարաւորներ փախան եւ

եկան Անատոլու, Եգիպտոս, Հնդկաստան, Կ.Պոլիս, Սեւ ծովու ափունքն, եւ ի մասնաւորի Խրիմ, Ռուսաստան, Լեհաստան, Կալիցիա, Լիթուանիա, Թրակիա, Մէօսիա, Մոլտավիա եւ Վալաքիա հաստատուեցան:

Այսօրս Հայք աշխարհիս ամենէն աւելի սփռեալ ժողովուրդն են, վասն զի այլեւայլ երկիրներ եւ վաճառաքաղաքներու՝ մէջ գլխաւորաբար վաճառական Հայերու կը հանդիպինք, ինչպէս ի Պոմպէյ, Մատրաս, Կալկաթա, Պարմա, Սիամ, Սինկափոր, Ճաւա, Սումատրա, Պոռնէոյ, Քանդոն, Պոլսարա, Քոքանդ, Խիվա, Քաշէմիր, Լահոր, Աֆղանիստան, Զուլա, Պարսկաստան, Գահլիքէ, Աղեքսանդրիա, Հապէշիստան Ասորիք, Տաճկաստան, Ռուսաստան, Իտալիա, Հունգարիա, Կալիցիա, Ռումանիա եւ Պուրովինա՝ ուր Հայք ամենահին բնակիչներէն են:

¹ Նաեւ Ամսդերտամ՝ յառաջագոյն շատ ծաղկեալ հայ գաղթականութիւն մը կար, որ գոհարավաճառութեան եւ սեպհական գործարանաց մէջ ակնագործութեան կը պարապէր. հոս նաեւ սեպհական անուանի տպարան մ'ունէին Հայք եւ շատ եկեղեցիներ, որոնցմէ մին մինչեւ ցայսօր կը կենայ ամայացեալ:

Գ Լ ՈՒՒ Ա.

Պատմութիւն Պոքրովիւայի արեւելեան Հայոց:

Հայք շատ կանուխ ժամանակաւ հաստատուած են այսօրւան Աւստրիական կայսրութեան երկիրներն, եւ ի մասնաւորի ի Լեհաստան:

Յամին 1062 Ռուսիոյ Իզասլաւ (Izaslaw) իշխանին հրաւիրանօքն՝ 20.000 Հայք Անի քաղաքէն եկան ի Ռուսիա՝ կռուելու ընդդէմ Բուլղարացոց (Polowzer, որ են՝ Rumanen = Romanen), եւ ետ չդարձան ի Հայս, այլ հաստատուեցան ի Քիէվ եւ յետոյ Բոտոլպի-Վամենիցի մէջ¹, եւ ասկէ սիւնեցան գրեթէ բովանդակ այն երկրին վրայ:

Յամին 1280 Լեւոն Տանիւրովիչ իշխանն կոչեց Հայերն, որ գան եւ իւր 1270ին հիմնարկած Լեմպերկ քաղաքը բնակին*: Հայք այս տեղ սեպհական վարչութեան² (magistrat) մը տակ էին, եւ այնչափ շատ՝ որ Գասիմիր Գ. Մեծն († 5 Նոյ. 1370³) յամին 1367 իրենց եր-

* Արդէն ասկէ յառաջ Հայք ըստ մասին կը բնակէին Լեմպերկի մէջ ըստ Ստեփ. Ռոշքայ (Ժամանակագրութիւն, ամ 1277,) որ կ'ըսէ. "Յայսմ" ամի Հայք բնակէին ի Լեօպօլիս, եւ էր վանքն անդէն Սր. Աննայի. զի գտանի ի նմին Եկեղեցւոյ զերեզմանաքար զրեալ Թվ. 2ի2, որ է Բրիստոսի՝ 1277:,, Ժ. Թ.

կրորդ եպիսկոպոսին՝ Գրիգոր Մեծին՝ իշխանութիւն շնորհեց որ իւր աթոռն Լեմպերկ փոխադրէ⁴։ Յետոյ 1379ին Հայք հոս նաեւ մեծամեծ արտօնութիւններ ընդունեցան⁵։

Ի Լեմպերկ եւ առ հասարակ ի Լեհաստան Հայք 1500էն սկսեալ թաթարերէն կը խօսէին. այս լեզուն յետոյ նաեւ Կալիցիոյ տեանները մտաւ, եւ նոյն իսկ Լեմպերկի վճռոց մատեանն (Decretalenbuch) առ սէր Հայոց՝ 1630էն մինչեւ 1641 թաթար լեզուաւ կը գրուէր⁶։

Նաեւ ի Հունգարիա շատ կանուխ ժամանակաւ հաստատուեցան Հայք, վասն զի հունգարացի ժամանակագիրն կ'ըսէ. «Բաց ասկէ Հունգարիա եկան թէ՛ Կէյզա Դքսին (972—995) թէ՛ Ստեփանոս Սուրբ թագաւորին (997—1038) ժամանակ, եւ թէ՛ այլ թագաւորաց ատեններն Պոհեմիացիք, (Գնչու) Պոլոնիացիք, Յոյնք, Սպանիացիք, Իսմայէլացիք, Պէպք, Հայք եւ այլն, որոնք երկայն ժամանակ պետութեան մէջ բնակելով, — թէեւ իրենց ծագումը չէր գիտցուեր, — այլեւայլ ամուսնութեամբք խառնեցան Հունգարացւոց հետ եւ ազնուականութիւն ու սերունդ ունեցան⁷։» (Այլեւայլ ազգաց ի Հունգարիա մուտն, Մասն Ա. Գլ. 12։)

Ի Հունգարիա արդէն 1243ին արտօնութիւններ ընդունեցան Հայք, զորոնք Պէլա Դ նորոգեց, նաեւ Լատիսլաւ Դ թագաւորին 1281ին տուած մէկ վաւերագրոյն մէջ կը յիշուի «երկիր Հայոց» եւ «մենաստան» մը⁸։

Նաեւ ի Սիպէնպիւրկէն (ի Թրանսիլվանիա) չայք կանուխ ժամանակներ հաստատուած են. վասն զի 1355ին կը յիշուի «եպիսկոպոս չայոց Դուլմախի»^{*} (de Tulmachy)⁹:

Չայք դէպ ի Մոլտաւիա եւ Վալաքիա դիմեցին միեւնոյն ժամանակ՝ երբ Բոտոլչքի-Կամենից գացին, ուստի ԺԱ դարուն գաղթեցին, այս է 1046ին, երբ Մոնոմարոս Յունաց կայսրն չայաստան արշաւեց, եւ 1064ին՝ երբ Պարսիկք Անի մայրաքաղաքին տիրեցին¹⁰:

Յետոյ գաղթականութիւններ եկան 1342ին¹¹, երբ Պարսիկք Անի մայրաքաղաքը վերստին առին¹², եւ 1418¹³, 1475¹⁴ եւ 1606¹⁵ տարիներուն մէջ:

Հարաւային Մոլտաւիա բնակող չայերն Կ.Պոլսէն եկան, եւ տաճկերէն կը խօսէին. իսկ վերին Մոլտաւիոյ չայերն ուղղակի հայրենիքէն եկան, եւ հայերէն կը խօսէին¹⁶:

Մոլտաւիոյ հիւսիսակողմանքն բնակող չայոց գալուստն Սուլաւայի չայոց հաստատուն աւանդութեամբն ալ կը հաստատուի, որուն համեմատ՝ չայոցմէ շատերն 1313ին իրենց մայրաքաղաքին երկրաշարժէ կործանելովն՝ գաղթած եկած են Սուլաւա¹⁷: Նաեւ Թրանսիլվանիոյ չայք կ'աւանդեն՝ թէ Անի քաղաքէն գաղթած են¹⁸:

Ռոմանացւոց ամենանշանաւոր հնագէտներէն մին՝ Աշտէու¹⁹, կը հաստատէ՝ որ նոյն իսկ Վալաքիոյ Արձէշ քաղաքն եւ հոյակապ եկեղե-

* Այս եպիսկոպոսին կնիքն այժմ գտնուած է ի հունգարիա, որուն վրայ կը խօսինք ուրիշ անգամ: Ծ.Թ.

ցին Հայք հիմնարկած եւ շինած ըլլան, եւ իւր կարծիքն՝ որ ծանօթ ռոմանիացի պատմագէտ Քսէնոբոլէն բաւական զօրաւոր կերպով հերքուած է²⁰, կը հիմնէ Աբէշ²¹ անուան վրայ, եւ կ'ըսէ՝ թէ Հայք վանայ ծովուն մէջ իրենց ունեցած համանուն քաղաքին յիշատակին համար՝ օտար երկրի մը մէջ իրենցմէ շինուած այս քաղաքն ալ նոյնպէս կոչեցին:

Նաեւ Լեմպէրկէն բազմաթիւ հայ վաճառականներ եկան մերձաւոր Մոլտաւիա, եւ ի մասնաւորի՝ այն ժամանակի մայրաքաղաքին՝ Սուլափայի մէջ հաստատուեցան, ուր եռանդեամբ միջնավաճառութեան կը պարապէին²²:

Մոլտաւիոյ իշխանն Պետրոս Մուշադ²³ (1375—1391), որ Լեհաց բարեկամ էր եւ անոնց վլադիսլաւ թագաւորին հետ խնամացած, 1384ին Մոլտաւիոյ եւ Սուլափայի վաճառական Հայերն ի հաւատոյս Լեմպէրկի արեւելեան հայ եպիսկոպոսին իրաւաբանութեան ենթարկեց²⁴:

Այս կարգադրութեան համեմատ կը գտնենք՝ որ Աւետիք անուամբ եպիսկոպոս մը Բոտոլլքի-Կամենիցի եւ Մոլտաւիոյ Հայոց կ'առաջնորդէր* 1415—1445²⁵:

* Ստեփ. Ռոշքա (Ժմսկզր. 1398) կ'աւանդէ հետեւեալն. “Տէր՝ Յոհաննէս Առաջին Արքեպիսկոպոսն Լէօպոլսի Հայոց (քանզի յառաջ քան զսա, զայլ ոք Արքեպիսկոպոս ոչ ուրեք կարացաք գտանել): Սա ոչ միայն Լէօցւոց, այլ եւ Պոլոտանաց երկրի Հայոց Առաջնորդ էր, որպէս յայտ է ի մագաղաթեայ կոնդակէն կառուցման եկեղեցւոյն Սբ. Նիկողայոսի, որ ի Կամենից, յորում այսպէս գրի: Տամ զգիրս զայս Նահանգիս Առաջ-

Հայոց կանխագոյն ժամանակաւ Մոլտաւիա հաստատուած ըլլալուն ուրիշ ցուցում մըն են իրենց շատ հին եկեղեցիքն ի Պոթուշան՝ յամին 1350, եւ յԵաշ՝ յամին 1395²⁶: Պոթուշանի եկեղեցին արձանագրութիւն մը չունի, բայց Եաշի եկեղեցին ունի արձանագրութիւն յամին Պիտի այն է՝ 1395: Այս արձանագրութիւնն է. «Շնորհօք եւ ողորմութեամբն Աստուծոյ հիմնարկեցաւ Եաշու Սուրբ Աստուածածնայ եկեղեցին ձեռամբ եկեղեցական Խաչգոյին եւ Սիս-

նորդացն, եւ այժմ է Տէր Թօհաննէս Արքեպիսկոպոս Ընուգաց եւ Օլախաց աշխարհի, հոգեւոր առաջնորդ նահանգիս եւ մեզ: Եւ գրեցաւ ի թվին Հայոց Պոտն Մարդի իծ: Ջսա յիշէ եւ Աւետիք Արքեպիսկոպոսն, ի վայր յամի 1446. ի կոնդակ:»,

Այս Աւետիքի մասին կը գրէ Ռոշքա (1445). «Տէր Աւետիք երրորդ Արքեպիսկոպոսն մեր Լէօպօլսի, զոր Կամէնիցացիք թղթովք իւրեանց եւ Եպիսկոպոսին Լեհաց, նաեւ Պարոն Ստեփանին. որ էր Դուքս Ռուզուց ի տոհմէն Գօրիօվիչաց, առաքեցին յԷջմիածին առ Գրիգոր կաթողիկոսն առ ի հաստատել Առաջնորդ: Զոր կաթողիկոսն հաստատեալ եւ զՄէչովու թեմն նմա ստորադրեալ, պատասխանէ, զկնի ոմանց քանից, գրելով: Եկն Տէր Աւետիք եպիսկոպոս սիրելի որդիդ մեր առ մեզ, եւ եքեր զծեր վկայական թուղթն, եւ զՀոռոմ եպիսկոպոսին նշանն; եւ զՊարոն Ստեփանին: Եւ մեք զՏէր Աւետիքդ, որ ծեղ Եպիսկոպոս էր քնական, այլ կրկին, եւ վերստին հաստատեցաք, եւ զՄէչով քաղաքն իւր գեղանովն շնորհեցաք իւրն սեպական թեմ եւ վիճակ: Թվ. ՊՂԴ. Օգոստ. ԺԾ: Աստուստ յայտ է թէ Արքեպիսկոպոսունքն մեր Լէօպօլսի, իրաւաբար՝ մականգրին Եպիսկոպոսունք Պուղտանաց Հայոց. եւ ոչ միայն այս Աւետիքն, այլ եւ նախորդքն նորա Թօհաննէս եւ Գրիգոր այսպէս անուանէին զինքեանս: Թղ. Կամեն. դիւան.:»,

Ժ. Թ.

եանցի Տէր Յակոբին. Զուղայեցի Մահտեսի Մարգարին եւ Մահտեսի Գրիգորին. Թուին Հայոց ՊՃԽԴ²⁷ : Այս արձանագրութիւնը կը գտնուի վիմի մը վրայ, որ եկեղեցւոյ նորոգութեան ժամանակ պատէն վար առնուած է* եւ եկեղեցւոյն մէջ կը պահուի²⁸ :

Եթէ հայ թուականն քրիստոնէականին հետ համեմատենք, կը տեսնենք որ ասոնք լիովին կը միաբանին իրարու. վասն զի՝ ինչպէս յայտնի է, Հայք Մովսէս Բ. Եղիվարդեցի կաթողիկոսի ժամանակ՝ յամին 551 ի Դուին²⁹ գումարեալ ժողովէն կը սկսին իրենց թուականն, այն է՝ 11 Յուլ. 552. ուրեմն 844ին վրայ յաւելունք 551, եւ կ'ունենանք Եաշի հայ եկեղեցւոյն հիմնարկութեան տարին՝ 1395 :

Թէ արդեամբք 1395ին շինուած է այս եկեղեցին՝ կը հաստատուի անտարակուսելի եղանակաւ նաեւ 800ին (1351) ի Կաֆա գրուած Աւետարանի մը մէջ՝ 900ին (1451) գրուած յիշատակարանէ մը, ուր յայտնապէս կ'ըսուի որ նոյն Աւետարանն Եաշի Ս. Աստուածածնի եկեղեցւոյն նուիրուած է³⁰ :

* Արձանագրութեանս հայերէն ընագիրն մեզի շնորհեց Պր. Սողոմոն Դրանխովեանց : Այս ընագիրն մէջ կայ նաեւ հետեւեալ յաւելումն. “Եւ այժմ վերանորոգեցաւ ի ձեռն քարեպաշտօն իշխանաց եւ համայն ժողովրդոց աշխատանօք եւ ծախիւքն : Ի թուակսնին Փրկչին 1803ին :”, Այս վէմ թէեւ եկեղեցւոյ նորոգութեան ժամանակ վար առնուած էր, ինչպէս կը յիշէ հեղինակն, սակայն այժմ վերստին նոյն տեղն հաստատուած է :

Ուրեմն Պոթուշանի եւ Եաշի հայ եկեղեցեաց հնութիւնն եւ Սուչավայի հայոց աւանդութիւնն կը ցուցնեն, որ հայք, կարելի է անհատօրէն, շատ կանուխ ժամանակաւ Մոլտաւիա գաղթած են, ուր հետզհետէ երկրին բոլոր առուտուն, եւ նոյն իսկ դրացի երկիրներու եւ Արեւելից առուտուն իրենց ձեռքն անցուցին:

Սակայն այնպէս կ'երեւայ՝ որ Մոլտաւիոյ Ստեփան Ե Փոքր (1517—1527) իշխանին 7034 (1526) Սեպտ. 20ին տուած ռոմաներէն վաւերագիրն հայոց այնչափ կանուխ ժամանակաւ գաղթած ըլլալուն հակառակ ելլէ, վասն զի նոյն վաւերագրոյն մէջ կը կարդանք. « հայք իմպետութեանս նախահաւէն՝ Աղեքսանդր Բարի Վոյվոտէն (1402—1433) ընդունուեցան, երբ անոնք առաջին անգամ մեր մոլտաւական երկիրները գաղթեցին Հռոմէական եւ Ռէյնլանդներէն իրենց հարց հաւատքին համար հալածուելով³¹ »:

Այս յիշատակութիւնն չի կրնար ուղիղ ըլլալ, վասն զի պատմութեան ուրիշ ամէն աղբիւրներն կը հաստատեն, թէ այն ժամանակ գաղթող հայերն իրենց թագաւորութեան անկմանէն ետեւ եւ հայաստան տիրող կրօնական խռովութեանց պատճառաւ « ուղղակի », անկէ եկան, եւ ոչ թէ հունգարական երկիրներէ Մոլտաւիա անցան³²: Վերոյիշեալ վաւերագրոյն վերջին խօսքն՝ թէ « երբ անոնք (հայք) առաջին անգամ մեր մոլտաւական երկիրները գաղթեցին ... », կրնայ միայն այնպէս մեկնուիլ, որ այնու կը յի-

շատակուի “առաջին մեծ գաղթականութիւնն”․ վասն զի իրօք ալ Հայք 1418ին մեծ բազմութեամբ, այն է 3000 ընտանիք, Մոլտաւիա գաղթած են³³․ ապա թէ ոչ՝ չի կրնար մեկնուիլ՝ թէ ո՞վ շինած է 1350ին Պոթուշանի եւ 1395ին Եաշի հին հայ եկեղեցիները:

Հայոց կանուխ ժամանակաւ ի Մոլտաւիա՝ թէեւ նուազագոյն թուով գաղթած ըլլալուն կը վկայէ նաեւ այն պարագայն, որ, ինչպէս յիշեցի, Պետրոս Մուշաթ մոլտաւիացի իշխանն՝ Մոլտաւիոյ վաճառական Հայերն, թերեւս անոր համար որ սակաւաթիւ ըլլալով առանձին եպիսկոպոս մ’ունենալ կարելի չէր, արդէն 1384ին ի հոգեւորս Լեմպերկի արեւելեան հայ եպիսկոպոսին իրաւաբանութեան ենթարկեց:

Այս ամէն ըստածներէն կրնայ ստուգութեամբ հետեւցուիլ, որ Մոլտաւիոյ եւ պսօրւան Պուքովինայի Հայերն նոյն երկիրներու ամենահին բնակիչներէն են:

Յամին 1418 Աղեքսանդր Բարի մոլտաւիացի իշխանն ի Մոլտաւիա գաղթող 3000 հայ ընտանիքներն յաջորդ եօթը մոլտաւական քաղաքներն բնակեցուց³⁴․ Սուչավա, Չէթաթէա ալպա, ուր արդէն 1421ին Կիլպերդ տէ Լանուա զիրենք գտաւ, Կալաց, Վասլույ, Պոթուշան, Տորոհոի եւ Հոթին³⁵:

Այս 3000 հայ ընտանեաց իրենց հայրենիքը թողլով Մոլտաւիա գաղթելուն պատճառն՝ իրենց երկրին մէջ այն ժամանակները տիրող կրօնական խռովութիւնն է: Հռոմայ քահանա-

յապետք արդէն շատ կանուխ ժամանակներէ վեր կը ջանային զՀայս լատին եկեղեցւոյ դարձնել, եւ այն՝ ձեռնտուութեամբ հայ թագաւորաց, որոնց օգնութիւն կը խոստանային ընդդէմ թշնամեաց, եւ պարգեւ ու թագաւորական զարդեր կը յղէին. այսպէս՝ Խննովկենտիոս Գ Քահանայապետն 1189ին Հայոց Լեւոն Բ թագաւորին թագաւորական զարդեր եւ թագ յղեց, յորդորելով զինքն թղթով մը՝ որ Առաքելական Աթոռոյ հաւատարիմ մնայ միշտ:

Նոյնպէս ջանացին Հռոմայ Քահանայապետք հայ Աթոռիկոսներու թագ եւ պարգեւներ ղըրկելով՝ զՀայս ի միութիւն ընդ Հռոմայ շահելու³⁶:

Հռոմայ Քահանայապետաց միութեան այս ջանքերն եւ երկրին նշանաւոր խնդիրներուն եւ նոյն իսկ յաջորդութեան կռիւներուն մէջ խառնուիլն, որոնց մէջ սովորաբար հզօրագունին կողմը կը բռնէին, եւ ի փոխարէն լատին եկեղեցւոյ հետ միութիւն կը պահանջէին, մեծ եւ երկրին համար վնասակար խռովութիւններ, արիւնային պատերազմեր եւ մինչեւ արքայասպանութիւն յառաջ բերին, եւ վերջապէս առաջնորդեցին փոքր-հայկական կամ Կիլիկեան թագաւորութեան կործանման յամին 1378³⁷: Եգիպտացի Մամլուքներն այս պետութեան ինքնօրինութեան վերջ տուին, այնպէս որ վերջին հայ թագաւորն Լեւոն Զ Լուսինեան ընտանիքէն, Գաղղիա փախաւ իւր թշնամեաց դէմ ի շուր օգնութիւն խնդրելու, ուր եւ 1393 Նոյ. 19ին մեռաւ ի

Փարիզ³⁸, եւ Սէն Տընիի թագաւորական դամբանարանին մէջ թաղուեցաւ³⁹:

Միութեան այսպիսի փորձ մը փորձեց նաեւ Յովհաննէս Ի Բ Գահանայապետն, եւ Հայոց Կոստանդին Բ Կաթողիկոսն եւ Աւչին թագաւորն ի միութիւն յորդորեց: 1316ին յԱտանա գումարեալ ազգային ժողովոյն մէջ երկուքն ալ միութեան կողմն անցան⁴⁰: Երկրին մեծամեծներն թէեւ թագաւորին եւ կաթողիկոսին կողմն ելան, սակայն ժողովուրդն միութեան դէմ կեցաւ: Ասոր ապացոյց էր Դոմինիկեան Հարց ապարդիւն ջանքերն, ի մասնաւորի Յովհաննու Գառնեցւոյ եւ Բարթողիմէայ Պոլոնիացւոյ, որոնք՝ բաց ի Կիլիկիոյ քանի մը գիւղերէն, համակրող չգտան⁴¹:

Նաեւ Նախիջեւան⁴² քաղաքին մէջ Դոմինիկեան Հարց հաստատուած էին, եւ իրենց առաջնորդը «Արքեպիսկոպոս միացեալ Հայոց» տիտղոսն ունէր⁴³:

Միութեան այս փորձերն ազգին մէջ այնպիսի հակառակութիւն յարուցին⁴⁴, որ Ատանայի ժողովքէն ետեւ՝ կրօնաւոր թագաւորն Հեթում Բ⁴⁵, լեւոն Դ⁴⁶, եւ Կոստանդին Գ⁴⁷, որ վերջին Հայ թագաւորներէն մին է, սպանուեցան. իսկ Կի թագաւորն սաստիկ հալածուեցաւ: Դէպքեր՝ որոնց հիմն այն էր, որ այս թագաւորք հայ եկեղեցւոյն մէջ լատին ծէսեր մուծանել փորձեցին:

Անգութ հալածանքն, որ այս վարմանց կ'ընկերանար, լատին ծէսերու բռնութեամբ վաւերացումը եւ Մամլուք տէրերու ժողովրդեան

վրայ ըրած ճնշումն անտանելի ըրին հազարաւոր հայ ընտանեաց այլ եւս հայրենիք մնալն, եւ ասոնք ստիպեցան պանդխտութեան գաւազանը ձեռք առնուլ, հայրենի երդին ընդ միշտ կռնակ դարձնել, եւ ուրիշ խաղաղագոյն երկիրներ փնտռել, ուր կարենան ազատութեամբ իրենց հայրենաւանդ սկզբանց համեմատ զԱստուած պաշտել:

Հայք երբ Մոլտաւիա եկան, լաւ ընդունելութիւն գտան: Այն ժամանակի իշխանն Աղեքսադր Բարի՝ իրենց եօթը քաղաք ցուցուց ի բնակութիւն, եւ նաեւ շատ արտօնութիւններ շնորհեց իրենց, ի մէջ այլոց նաեւ՝ — այն ժամանակի գաղթականական քաղաքականութեան համեմատ, — իրենց գաղթականութեան սեպհական վարչութիւն տուաւ, այն է՝ Հայ Scholtuzներ (Schultheise⁴⁸), ինչպէս Թրանսիլվանիոյ Սամոշույվարի (կեռլա = Հայաքաղաք) Հայերն ցայսօր ունին⁴⁹, ուր եւ երկրատնտեսութիւնն, արջառաքութիւնն եւ ամէն առուտուն բոլորովին իրենց ձեռքն առած են⁵⁰: Սակայն Հայք ինչպէս նաեւ Հրեայք, հին մոլտաւեան իրաւանց համեմատ, իրաւունք չունէին մնաւաճառանոց, պանդոկ եւ հացագործարան ունենալ, եւ ոչ ալ կալուած, ինչպէս՝ արտ, ջաղացք, մեղրլանոց եւ տուն շինելու երկիրներ եւ այլն⁵¹, այլ զասոնք անդրէնաճիւններէն կրօնային միայն վարձել:

Սակայն կրօնական իրաց մէջ ապահովութիւն ունէին կատարեալ ազատութեան⁵², եւ

Ռոմանիացիք՝ ի բնէ հանդուրժողք, այս մասին
 ոչ Հայերը⁵³ եւ ոչ Մոլտաւիա բնակող ուրիշ
 ազգերը կը նեղէին, ինչպէս յայտնի է Գէորգ
 Փոն Ռայխերստորֆի գրութիւններէն, որ ֆեր-
 տինանտ թագաւորին դեսպանն էր Մոլտաւիոյ
 Ռարէշ իշխանին (1527—1538, եւ 1541
 —1546) քով: Վասն զի կը գրէ անիկայ.
 “Մոլտաւիոյ մէջ Մոլտաւիոյ իշխանին իբրեւ
 հպատակ կ’ապրին ի միասին այլեւայլ ցեղով եւ
 կրօնիւ ազգեր, ինչպէս՝ Ռութէն, Լէհ, Սերպիա-
 ցի, Հայ, Պոլկար եւ Թաթար, կան նաեւ շատ
 Սաքսոնիացիներ ի Թրանսիլվանիոյ. առն+ իւե-
 րաբէր սոլդեր-իւններ եւ վարդապետ-իւններ
 ունին, աւելայ իբրոս հեո չեն կուտի⁵⁴:”

Նոյն կերպով կը ստորագրէ իշխան Դե-
 մետրիոս Քանդէմիր Ռոմանացւոց հանդուրժողու-
 թիւնն առ Հայս ի կրօնականս, վասն զի կ’ըսէ.
 “Հայոց եկեղեցիքն որթողոքս եկեղեցիներէն ոչ
 փոքր եւ ոչ նուազագոյն ղարդարեալ են, եւ ա-
 ղատութիւն ունին իրենց կրօնին մէջ⁵⁵:”

Մոլտաւիոյ, ինչպէս նաեւ Պոլքովինայի
 Հայերն ժամանակաւ այնպէս հարստացան, որ
 Սուլաւլացի Հայ մը Կամարսան անուամբ եւ իւր
 ամուսինն Սդանա՝ Սուլաւլայի Պուրկկասսէ փողոցի
 վըպ ունեցած տներնին մեռնելու ատեն Մոլտո-
 վիցա վանքին նուիրեցին: Այս նուէրն հաստա-
 տեց Պետրոս Ահարոն Գ Մոլտաւիոյ իշխանն յա-
 մին 1448⁵⁶, իւր երկրորդ իշխանութեան ժա-
 մանակ (1448—1449), զոր եւ կրկնեց յետոյ
 յամին 1451 Յնր. 10 Պոկտան Բ իշխանն

(1449—1451)⁵⁷, որ մեծ ու փոքր տուրքերն շնորհեց, եւ նոյն տունն պահպանութեան տուրքէն, իշխանական ջաղացքի ծառայութենէն, եւ ամէն իշխանական տուրքերէ եւ ծառայութիւններէ եւ աշխարհական իրաւաբանութենէ ազատ կացոյց⁵⁸, զոր նաեւ Պոկտանի որդին՝ Ստեփան Մեծ իշխանն (1457—1504) հաստատեց 1457ին Օգոստ. 12ին⁵⁹:

Նոյնպէս Յովհաննէս անուն Հայն Սուլաւլայի մէջ տուն մը ժառանգութիւն թողուց նոյն Մոլտովիցա վանքին, որ եւ Պետրոս Ահարոն իշխանէն հաստատուեցաւ յամին 1454 Հոկտ. 6, որ է ըսել՝ իւր երրորդ անգամ իշխելուն ժամանակ (1451—1455)⁶⁰, եւ հարկէ ազատ կացոյց զայն⁶¹:

Հայք կրնային նաեւ կալուածներ պարգեւել վանքերու. այսպէս Յովհաննէս Արմէնսին Հայր՝ Եաշի Զինուդի մէջ Օսդաբգանա գիւղին կէսն ժառանգութիւն թողուց Մոլտովիցա վանքին, զոր Ստեփան Մեծ իշխանն յամին 1483, Յնր. 8ին հաստատեց⁶²:

Նոյն Ստեփան Մեծին ժամանակներն կը յիշուի Սուլաւլացի հարուստ հայ մը Վարդիկ անուամբ, որ մեռնելու ժամանակ իւր որդւոցը ժառանգութիւն թողուց տներ եւ հայրենական կալուած մը⁶³:

Եամին 1475 դարձեալ հազարաւոր Հայեր եկան Մոլտաւիա, Տաւրիոյ թերակղզիէն (Խրիմ), երբ Տաճիկք եւ Թաթարք զվաճառին: Հայք լաւ ընդունելութիւն գտան եւ Ստե-

փան Մեծ իշխանն իրենց բնակութեան տեղ ցուցուց Սուչավա, Եաշ, Ռոման, Ֆոքշան եւ Պոթուշան քաղաքները⁶⁴։

Բայց երբ յամին 1497 լեհաց Ալբերտ թագաւորն Մոլտաւիոյ մայրաքաղաքին՝ Սուչավայի վրայ քալեց, եւ զայն երկու ամիս ի զուր պաշարեց⁶⁵, բազմաթիւ Սուչավացի Հայեր, որոնք այնտեղ 700 տանց մէջ կը բնակէին, պատերազմի եւ պաշարման վտանգներէն փախչելով՝ գաղթեցին Հունգարիա, Թրանսիլվանիա եւ Վալիեցիա⁶⁶։

Յամին 1512⁶⁷, Պոկտան Գ. Շիլ իշխանին ժամանակ (1494—1517) հարուստ հայ մը Տրական Տանովաք^{*68} անուամբ, — որուն համար կ'աւանդուի թէ եղնավաճառ էր եւ անգամ մը ուխտած էր՝ որ եթէ առուտուին շահաւոր ըլլայ եկեղեցի մը շինէ, — Սուչավայի մէջ սեպհական կալուածին վրայ իւր ծախիւքն Հայոց վանք մը կառուց, զոր Ս. Կոյս Մարեմայ նուիրեց եւ զայն Հահագար⁶⁹ անուանեց, ինչպէս եկեղեցւոյ դրան մարդակին վրայ արձանագրուած է։ Այժմ Հաճկատարը վանք չէ, այլ ուխտատեղի մը, ուր շատ կը յաճախուի, եւ ուր հայաբնակ ամէն երկիրներէն Հայք գունդագունդ կը դիմեն. ասիկայ Սուչավայի հարաւային կողմն $\frac{1}{4}$ մղոն հեռու է, եւ պաշտօնական անունն է

* Այսպէս ի քննադրին։ Պէտք է ըլլաւ Տօնաւագ։ Ասոր համար կ'ըսուի թէ նաեւ ի Հունգարիա եկեղեցի շինել տուած է։ Ժ. Թ.

„Mitoc“. Հայք մաղձայուզէ մ'աղատելնուն հա-
մար՝ 1848էն ի վեր ուխտ դրած ըլլալով՝ տա-
րին երկու անգամ այնտեղ ուխտի կ'երթան
թափորաբար, այսինքն Օգոստ. 15/27ին (Հա-
բաթ) եւ Գեկտ. 28ին, այն է՝ Ս. Յակոբայ
տօնին։ Այս եկեղեցւոյ մէջ ի պարտուց տարին
երեք անգամ պատարագ կը մատուցուի, այն է՝
Վերափոխման, Վարդավառին եւ Յովակիմայ
եւ Աննայի տօներուն։

Եկեղեցւոյս մէջ խորանին վրայ կայ
Ս. Աստուածածնի մեծ պատկեր մը, — ինչպէս
առ հասարակ Հայոց ամէն եկեղեցեաց մէջ այս-
պիսի պատկեր մը կ'ըլլայ, — որուն բուժիչ
զօրութիւն մը կը տրուի. եւ այս պատճառաւ
պատկերին վրայ կախուած է բազմութիւն մը
ոսկեղէն եւ արծաթեղէն աչք, ակռայ, ականջ,
ոտք, ձեռք եւ այլն, զորոնք Ս. Աստուածածնի
նուիրած են հիւանդք։ Եկեղեցւոյ մէջտեղն ա-
րեւելեան ամէն եկեղեցեաց սովորական փայ-
տեայ բեմն կը բարձրանայ, որուն վրայ կայ Բար-
թողիմէոս եւ Յակոբ սուրբ Առաքելոց պատկեր-
ներն՝ սլաւական արձանագրութեամբ. խորանին
վերի կողմն պատկերներու որմոյն վրայ կան չորս
Աւետարանիչք, իսկ խորանին դռնակներուն
վրայ Ս. Ստեփանոս նախավկային եւ Ս. Լաւ-
րենտիոս Սարկաւագին պատկերներն, ամէնն
ալ առ հասարակ ռոմանական արձանագրու-
թեամբ։

Եկեղեցւոյ դրան առջեւ՝ գաւթին մէջ կայ
Գրիգոր հայ եպիսկոպոսին շիրիմը։ Այս տեղ

կեցող մի միակ զանգակն⁷⁰, որ Ս. Սիմէոն եկեղեցւոյն գերեզմանատան մէջ գերեզման մը փորելու ժամանակ գտնուեցաւ, աւանդութեան համեմատ՝ ԺԳ դարուն Հայաստանէն հոս բերուած է: Այս զանգակին արձանագրութիւնն է. «Յիշատակ է Ղեորացի Առաքելի ի վանաց սրբոյն Տաթեւու, Թ. Հ. ՈՂԳ. (1244) գրեցաւ յաւուր հինգշաբաթի:»*

Եկեղեցւոյ դրան արձանագրութեան եւ տեղաբնակ Հայոց աւանդութեան համեմատ՝ Չիրսդէ Հանգո (Խաչիկ Հանգոյեան) անուն հայն 1521ին⁷¹, Սղեֆանիցա (Ստեփան Ե) Մանկան ժամանակ (1517—1527) Սուլաւալայի մէջտեղն գտնուող Ս. Խաչ եկեղեցին շինած է, ուր յառաջագոյն փայտակերտ հայ եկեղեցի մը կար, եւ ինքն ալ նոյն եկեղեցւոյն մէջ թաղուած պիտի ըլլայ: Նոյն շինողին շիրիմն այժմ չի տեսնուիր եկեղեցւոյն մէջ, վասն զի եկեղեցւոյն յատակը բոլորովին տախտակամած է այժմ:

Եկեղեցւոյ գաւթին մէջ կան քանի մը գերեզմաններ, հետեւեալ արձանագրութեամբք.

1. Սարկաւագ Ասվատուրին Ռէրդիքա ԻԼԳիա (?) հանգեաւ Թ. Հ. ԶՂԷ (= 1528)
2. Գրիգորի երիցու, հանգեաւ Թ. Հ. ՌԻԶ (= 1577)

* Այս եւ յաջորդ տապանաքարերու արձանագրութիւններն ստիպուած ենք թարգմանել գերմաներէնէ. վասն զի թէեւ ղիմնցինք Սուլաւա ուր հարկն էր, սակայն պատասխան չընդունեցանք: Ժ. Թ.

3. Մատթէոս մաքսաւոր, Տանգեաւ Թ. Հ. ՌԿԱ (= 1612)*:

4. Գրիգորի Նիկորայ Պարոն Գաբրի, 1731:

Հոս յիշուելու արժանի է՝ որ Վոլէինսքիի պարտիզին մէջ, թգրին.-կայսրին. թղթատա-
րութեան այժմու շէնքին քով՝ կար Հայոց Տին
եկեղեցի մը Ս. Երբեք-Բէն անուամբ, որ ան-
ցեալ դարու վերջերը բոլորովին կործանեցաւ:

Տեղական աւանդութիւնն այս եկեղեցւոյ
մասին կ'աւանդէ՝ որ այս պարտիզին եւ աւերա-
կին տէրն՝ Տիկին Գաբրի երբ իւր տղուն Տեո
պարտեղը կը պտըտէր, եկեղեցին կործանեցաւ,
ինք եւ տղան փլատակաց տակ մնացին, ինք մե-
ռաւ իսկ տղան ազատեցաւ ողջ առողջ: Այս
աւերակին քարերէն շինուեցան ժողովրդապե-
տական եկեղեցւոյն կից մատուռն եւ ասոր խո-
րանը:

* Անշուշտ այս տապանաքարն Նոյն է Ս. Խաչ
եկեղեցւոյն արեւմտեան դռան քով՝ եկեղեցիէն դուրս
կեցող երկաթագիր տապանաքարին հետ, որոյ արձա-
նագրութիւնն է՝

“Տապանս այս Մարտիրոսին

Մեծ տամիլաճի Երիմիէն

Աստ եղեալ մարմին սորին

Ի ծերութեան ժամանակին

Առ աստուած փոխէ զոգին

Թվին ՌԿԱ, մսիսի ԻԲին:., (= 1612)

Նոյն եկեղեցւոյ մէջ կան երկու հնազոյն տապա-
նաքարք: Առաջինն արձանագրութիւնն է՝ “Սայ է տա-
պան Էսաի իրիցու, Թվին ԶԽԶ., (1497): Իսկ երկրոր-
դին՝ “Սայ է տապանն Էտիւ Պէլին, որ է որդի Սողո-
մոնին հանգեալ Թվին հազար ԻԸ ապր. ամսոյ ԺԴ.ին.,
= (1579):

Ժ. Թ.

2*

Նոյն տեղական աւանդութիւնը կը սորվեցընէ մեզի, որ ուրիշ պարսպապատ հայ եկեղեցի մ'ալ կար պիտի ժողովրդապետական եկեղեցիէն ոչինչ հեռի, ուր պիտի քաղաքային մնաւաճառանոցը կան: Այս աւանդութիւնն ստուգեցաւ՝ երբ քանի մը տարի յառաջ նոյն մնաւաճառի շուկային հիմը կը դրուէր, գըտնուեցան եկեղեցւոյ մը հիմունքն եւ հայերէն տապանաքարի:

Սակայն Մոլտաւիոյ Հայերն ունեցան նաեւ իրենց տառապանքները, ոչ թէ Ռոմանացի ժողովրդենէ, այլ ասոնց քանի մ'իշխաններէն: Այսպէս Սդեֆանիցա (Ստեփան Ե) Փոքր կամ Անագորոյն իշխանն՝ երբ 1526ին Վալաքիայէն ետ կը դառնար աւարաւ, Վասլուի Հայոց մեծ հասարակութիւնը հալածեց եւ իրենց եկեղեցիին կործանեց⁷²: Անշուշտ առ այս գրգռեց զինք Վասլուի քաղաքացեաց երեսփոխաններու տըրտունջն, որոնք արդէն վերոյիշեալ արշաւանաց սկիզբն՝ մատուցած էին իշխանին իրենց տըրտունջն Վասլուի Հայոց առեւտրական ճնշումներուն դէմ⁷³: Այս անագորոյն իշխանին պատուհասն արդէն 1527 Յնր. 12ին ի Հոթին վըայ հասաւ, ուր ամուսինն զինք թունաւորեց թշնամի լեհաց խորհրդովն, որոնք իրմէ կը վախնային⁷⁴:

Այլ մեծագոյն եւս էր՝ Ռոմանացւոց պատմութեան մէջ իբրեւ մեծ բռնաւոր⁷⁵ ճանչցուած Ստեփան Ռարէշ Ե (1551—1552) իշխանին Մոլտաւիոյ Հայոց հասուցած նեղութիւնքն: Յա-

մին 1551 բովանդակ երկրին մէջ ծանոց, որ իւր բոլոր հպատակներն որթողքս հաւատքն ընդունին, եւ ով որ ուրիշ հաւատք ունէր, իբրեւ հերետիկոս կը հալածուէր⁷⁶: Նաեւ Հայք, որ այն ժամանակ հերետիկոս համարուեցան, ուզեց նոյն իշխանն ամենայն հնարիւք որթողքս դարձնել. եւ երբ Հայք ընդդիմացան, հրաման տուաւ Վերափոխման տօնին⁷⁷ Սուլափայի, Պոթուշանի, Ռոմանի, Հուշի եւ այլն Հայոց եկեղեցիները կողոպտել, աւերել եւ փակել, սուրբ անօթներն ու սպասները յափշտակել, եկեղեցական մատենքն այրել, եւ Սուլափա նստող հայ եպիսկոպոսն ու քահանաները բռնել^{*78}: Դարձնելու այս փորձերու պատճառն էր այն յեղափոխական ժամանակին հոգին⁷⁹, կամ թերեւս ճշգրտեցն՝ Ստեփան իշխանին անագորոյն բնութիւնն կամ հարուստ Հայերու գրամը կորզելու դիտաւորութիւնն: Բայց այս երկայն չտեւեց, վասն զի Պոյարներու ապստամբութիւնն թէ՛ այս հալածման եւ թէ՛ իշխանին կենացը վերջ տուաւ, երբ իշխանն 1552ին բանակին մէջ իւր տղոց հետ դաւաճանութեամբ սպանուեցաւ⁸⁰:

Բայց այս իշխանին վրայ նաեւ հանդուրժողութեան քանի մը հետքեր տեսնուեցան. վասն զի կը գտնենք որ իւր իշխանութեան ժամանակ (1551) Ակոբշին⁸¹ (Յակոբ) Վարդան

* Մինաս Թոխաթեցոյ գրածն այս անցքերու մասին տես ՀԱՍՏԱՆԻ ԱՄՈՐԵԱՅ, 1888, էջ 37, 62: Ծ. Թ.

անուամբ ազնուական եւ հարուստ Հայ մը, որուն ընտանիքն յետոյ Լեմպերկ գաղթեց ուր եւ իւր սերունդը կ'այ ցայսօր, Սուչավայի արեւմտեան կողմը՝ շինեց ⁸² Ս. Աւքսէնտ հայկական եկեղեցին, որ այժմ Zamka կը կոչուի ⁸³, ուր եւ յետոյ թաղուեցաւ ^{*84}:

Այս եկեղեցւոյ մէջ տարին երկու անգամ պատարագ կը մատուցուի ի պարտուց, այն է Ս. Գէորգայ տօնին եւ ամառն՝ Ս. Աւքսէնտին:

Այս եկեղեցին մինչեւ ցայսօր՝ բարձրաբերձ, ստուար եւ թնդանօթ արձակելու ծակե-

* Ակոբշինի տապանաքարին աւճանագրութիւնն այլեւայլ ձեւով կ'աւանդուի այլեւայլ հեղինակներէ: Պարոնչ (Շյոտեյ, էջ 5,) եւ Բժշկեան, ժնպրհրդութիւն. էջ 132 կը դնեն: “Աստ հանգչի Յակոբշայ շինող տաճարիս, թ. 1551:., Յողուածոյս հեղինակն կը դնէ այլազգ, տ. վարն ծան. 84: Իսկ ի գրուածս Հ. Գօղոս Վ. ի Յովնանեան, որ 1829ին ի Սուչավա էր, կը գտնենք այսպէս.

“Այս է տապան Ակոբշին
Որ է որդի Ամիրային
Սա է շինող սուրբ տաճարին
Հանգեաւ Հայոց Ռ. Թուին
ԿԱ էր աւելին, Օգոստոսի ԺԾ.,

Ուստի 1612ին վախճանած է Ակոբշայ: Այս արձանագրութիւնն ըստ գծագրութեան նոյն վարդապետին՝ տապանաքարին բոլորտիքը քանդակուած է: Այս գրուածոց մէջ կան նաեւ հետեւեալ արձանագրութիւնք. “Սա է տապան հանգստեան Սարգիսին, որ է որդի Եահրիմին: Հանգեաւ սայ թվ. ՌԺին (— 1561), Մայիսի գ. օրն գ. շաբթի: Ով Աղամայ որդիք Թափեցէք զգինին ի ձեզմէ. զմարմինդ կու պարարես զհողոյդ բաժին պատրաստի:., Դարձեալ “Սա է տապան... (աւերած եւ ոչ) դի Տէր Խաչատուրին: Հանկեաւ թ. ՌՀԴ — (1625) Յունիսի ԺԾ:., Ժ. Թ.

րով որմ մը կը շրջապատէ, եւ այս պատճառաւ հին ատեններ իւրեւ բերդ կը նկատուէր⁸⁵:

Եկեղեցւոյն դէպ ի Աքէյա գիւղն դարձած կողմը՝ եկեղեցւոյ ձեւով երկայն աշտարակով մ'ամրացեալ է: Այս աշտարակին տակն կոփածոյ մեծամեծ քարամբք շինուած է կամարաձեւ դուռն, որուն երկու կողմն կամարաձեւ բնակելի խցիկներ կան, իսկ (առաջին) դստիկոնին վրայ կայ փոքրիկ եկեղեցի մը, որուն խորանակամարին վրայ մինչեւ ցայսօր Ս. Աստուածածնի պատկեր մը յայտնի կ'երեւայ. կայ նաեւ բնակեալ երկու խցիկ, ուր հրացան եւ թնդանթ արձակելու եւ դիտելու որմածակեր կան:

Դստիկոնին մէջ, ինչպէս գաւթին կողմը պատերուն վրայ յեցած քարեղէն նեցուկներէն կ'երեւայ, այս շէնքին ներքին երեք կողմերն անցք մը կար, ուր կարելի էր մտնել նոյն տեղն եղող խցիկներէն՝ անցնելով փոքրիկ տնակի մը եւ դրան մը մէջէն, որ այսօր պատով հիւսուած է:

Դէպ ի Սուլափա նայող կողմը շրջապատող որմոյն վրայ մեծագոյն աշտարակ մը կայ, (որ հիմայ զանգակատուն է,) որուն տակն է դուռ մը՝ այժմ պատով հիւսուած, քաղաքին կողմանէ եկողներուն համար: Այս կամարաձեւ դրան վերին ծաղկանկար քանդակեալ քարին միջավայրն կայ թուական մ'արձանագրեալ, որ կարմրագոյն թուերով «1606» հիմնադրութեան տարին կը ծանուցանէ: Դրան կամարին վրայ կայ տեսակ մը մատուռ կամ խորան, ուր կը մտցուի աշտարակին քովն շինուած խղիւղն-

ջաճեւ սանդղով մը՝ քարեղէն նեցուկներու վրայ հաստատուած անցքէ մը (որ հիմայ միայն երեք կտոր մայր փայտէ կազմուած է) Այս մատրան վրայ կայ դիտանոց մը, որ ամենագեղեցիկ տեսք ունի քաղաքին վրայ, եւ շատ աւելի հեռու՝ արեւելք եւ արեւմուտք: Այս դիտանոցէն կը մոցուի աշտարակին շինութեան ժամանակ վախճանի մը համար պատին մէջ շինուած խորունկ եւ անդուն պըր մը: Մատրան դրան քով կան գրեթէ երկու մեղր հեռու ուրիշ երկու քարեղէն դռնամարդակներ, որոնք՝ ուրիշ դուռ մ'ալ շինելու սահմանեալ էին անշուշտ. այս դռնամարդակներու վարի ծայրն ծաղկենկար քանդակեալ են՝ նման դրան կամարին կոփածոյ քարին: Այս երկու դռնամարդակներու անջրպետն ամուր պատով փակուած է, եւ ամբողջն այնպէս ծեփուած, որ մարդ հազիւ կը նշմարէ պատի վրայի այս դռնամարդակները: Այս որմով փակեալ դրան ինչ բանի ծառայելն անմեկնելի է, վասն զի այս փակ դուռն մատուռը չի տանիր. մատրան մէջ նոյն տեղն դրան հետք մը չկայ: Կարելի է որ այն դրան ետեւն, որ աշտարակին եկեղեցւոյ կողման անկեան վրայ կ'երեւայ, գաղտնի սենեակ մ'ըլլայ, ուր թանկագին իրեր պահուած ըլլան, եւ այս սենեկի դուռն ամուր պատով փակած ըլլան, չնշմարուելու չափ ծեփուած, եւ նաեւ այս դրան առջեւ գտնուող անցքը բարձող քարեղէն նեցուկներն կ'օտրած ըլլան այն սենեկին գոյութեան ամէն հետքը ջնջելու համար:

Վերջապէս եկեղեցւոյ ընդարձակ գաւթին մէջն է մեծ ու գեղեցիկ եկեղեցին Ս. Աբսէնտ, եւ ասոր աւագ դռնէն ոչինչ հեռու՝ 10 քլաֆդէր խորունկ հին աղբււր մը, որմէ Սուչավայի եւ շրջակայից ամենացուրտ ջուրը կը բղխէ:

Ամբողջն շրջապատող որմոյն ներքին կողմն մինչեւ ցայսօր կ'երեւան ամրական զինուորաց բնակութեանց մնացորդներն⁸⁶:

Պէտք է նաեւ յիշատակել՝ որ շէնքին արեւմտեան պատը կը զարդարէ քարեղէն ոլորաձեւ կարմրագոյն պսակ մը:

Այս եկեղեցեաց շինութեան հեղինակին եւ ժամանակին վրայ Հայոց եւ Ռումանացւոց քով անմիաբան աւանդութիւններ կան, զոր հոս համառօտիւ յառաջ կը բերենք, թէեւ պատմական արժէք չունենան:

Հայ աւանդութիւնն Ս. Աբսէնտի եկեղեցւոյն հիմնադիրը չի ճանչնար զԱկոբշին, այլ կ'աւանդէ թէ երեք եղբարք՝ Յակոբ, Աբսէնտ եւ Գրիգոր 1606ին այս տեղը գնեցին, եւ Յակոբ շինեց Աբէյա նայող կողման Ս. Յակոբայ նուիրեալ տնական մատուռն, Աբսէնտ՝ գաւթին մէջի Ս. Աբսէնտի մեծ եկեղեցին, եւ Գրիգոր՝ դէպ ի քաղաք հայող Ս. Գրիգոր Լուսաւորչի, Հայոց առաքելոյն, աշտարակի մատուռն⁸⁷:

Տեղական Ռումանացւոց աւանդութիւնն բոլորովին հակառակ է Հայոց աւանդութեան: Ռումանացիք կ'աւանդեն թէ Ս. Յակոբայ եկեղեցին յառաջագոյն ռումանական-որթոդոքս եկեղեցի էր Ննքման Ս. Կուսի, Ս. Աբսէնտի եկե-

ղեցին՝ Տին Աւագ-ուրբաթ եկեղեցի էր, իսկ Ս. Գրիգորի աշտարակամատուռն մեծ աշտարակն էր ամրոցին: Ի հաստատութիւն յառաջ կը բերեն որմերու վրայ որթողքսական ըմբռնմամբ նկարուած Տին նկարներն ու սրբոց պատկերները, որ տակաւին կ'երեւան, եւ Ստեփան Մեծին ժամանակի սովորական որմազարդերն, ինչպէս՝ վարդ, ծաղիկ, նկարեալ եւ արծնեալ աղիւս, քարեղէն ոլորեալ պսակներ, որպիսիք ցայսօր ամէն նոյնպիսի շինուածոց վրայ կ'երեւան: Դարձեալ կ'ըսուի՝ որ այս եկեղեցիք երբ փլշելու վրայ էին, Մոլտաւիոյ Թէոփիլոս մետրապոլիտն ժամանակ⁸⁸ ուրիշ երկու եկեղեցեաց հետ հարուստ Հայու մը ծախուեցաւ 600 տուքադի: Հայք այս եկեղեցին նորոգեցին, եւ իրենց աստուածային պաշտամանց յարմարցուցին⁸⁹:

Սակայն Զամբայի Ս. Աւքսէնտ եկեղեցւոյն մէջ մինչեւ ցայսօր կեցող Ակոբշինի տապանաքարին արձանագրութիւնն երկու աւանդութիւնքն ալ անհիմն կը ցուցնէ:

Յամին 1569 Ղուպլինի պետական համագումար ժողովն լեհաստանի ամէն ոչ-կաթողիկեայ բնակիչներն արտաքսեց, որով լեհաստանի արեւելեան Հայք մերժուեցան. ասոնք անկէ Մոլտաւիա գաղթեցին եւ Սուչավա եւ այլ քաղաքներ հաստատուեցան, ուր ամենուրեք լաւ ընդունելութիւն գտան⁹⁰:

Պոկտան Դ Մոլտաւիոյ իշխանին ժամանակ, (1568—1572) որ էր որդի Աղեքսանդր Լաբուշնէանու վոյվոյտայի, Մոլտաւիոյ Հայոց վե-

ճակն վերստին վատթարեցաւ: Պոկտան իշխանն
 Լեհաստանի ազնուական բաղմաթիւ ընտանեաց
 հետ խնամեցած էր, Լեհերն իւր երկիրն բերած
 եւ նոյն իսկ պետական մեծամեծ պաշտօններ ա-
 նոնց յանձնած: Ընդոժին Պոյարներն սկսան զինք
 յանդիմանել, որ որթողըսութենէ ելել եւ
 լատին եկեղեցւոյ անցնիլ կ'ուզէ: Պոկտան այս
 անհաճոյ յանդիմանութենէն ազատելու եւ որ-
 թողըս եկեղեցւոյ վրայ իւր ունեցած եռանդը
 ցուցնելու համար՝ սկսաւ յամին 1570⁹¹ հա-
 լածել տեղաբնակ Հայերն, վասն զի ասոնք կ'ընդ-
 դիմանային զիրենք որթողըսութեան դարձը-
 նելու փորձերուն⁹², եւ վերջապէս զասոնք եր-
 կրէն մերժեց⁹³:

Թէեւ այսչափ հալածանք կրեցին Հայք,
 սակայն կ'երեւայ թէ — հաւանականաբար ի-
 րենց հարստութեամբը — շատ մեծ ազդեցու-
 թիւն ունէին երկրին մէջ. վասն զի նոյն Պոկտա-
 նին յաջորդեց Մոլտաւիոյ գահին վրայ Հայու մը
 հայ կնոջն⁹⁴ Սրբուհւոյն եւ Սդեֆանիցա (Թոմշա
 1563—1564) իշխանին ապօրինաւոր զաւակն
 Յովհաննէս Անդուծն (1572—1574), որ իւր
 հայ ծագման պատճառաւ “Յովհաննէս Հայ”⁹⁵
 կը կոչուի:

Եամին 1582, Եանգու (Յովհ. Բ) Սաք-
 սոնիացի իշխանին ժամանակ, (1579—1582)
 որ Պետրոս Ռարէշ իշխանին եւ Վայս Եօրկին
 Թրասիլվանիացի-Սաքսոնիացի կնոջն ապօրինաւոր
 որդին էր, Մոլտաւիոյ արեւելեան հայ եպիսկո-
 պոսն Յովհաննէս Բունանեան⁹⁶, որուն աթոռն

Սուչավա էր, Լեմպերկ կոչուեցաւ, նոյն տեղւոյ արեւելեան հայ եպիսկոպոսական աթոռը նրստելու, վասն զի Լեմպերկի Բարսումաս (Պարսամ) Պոկտանովիչ աթոռէն հրաժարած էր⁹⁷: Բարսումաս Պոկտանովիչ անոր համար աթոռէն հրաժարիլ ուզեց — կամ աւելի՝ Լեհացմէ առայն ստիպեցաւ, — վասն զի Լեհաց բաղձանաց համեմատ՝ հին արեւելեան հաւատքին յամառութեամբ յարեալ Լեհահայերն⁹⁸ կաթողիկէականութեան դարձընել թէեւ աշխատեցաւ, բայց իւր երեքամեայ եպիսկոպոսութեան ժամանակ (1579—1582)⁹⁹ չկրցաւ յաջողընել¹⁰⁰:

Աղմկալի ատեններն մեզ արդէն ծանօթ Տրական Տանովարն Սուչավայէն Լեհաստան փախաւ, եւ այնուհետեւ Լեմպերկ իւր բնակութիւնն հաստատեց, որով Մոլտաւիոյ իշխաններն անոր ի մասնաւորի Իցքանիի քով ունեցած ամէն կալուածներն, ուր այսօրս Ս. Աստուածածնի որթողոքս եկեղեցին կայ, իբրեւ անտէր ստացուածք յարքունիս գրաւեցին: Սակայն Տրականի մահուանէն ետեւ՝ իւր որդին Պոկտան մէջտեղ ելաւ եւ Երեմիա Մովիլա իշխանին առջեւ դատ բացաւ եւ ետ պահանջեց իւր հայրենի ստացուածքն, որուն իբրեւ վկայ կոչեց ծերունի Ռոմանիացիներ եւ Հայեր, որով յիշեալ իշխանն յամին 1597 Յունր. 22ին տուած վաւերագրով հայրենի ստացուածքն անոր ետ տուաւ եւ նոյնն հաստատեց¹⁰¹:

Հայք արեւելքի վաճառաց փոխադրութեան շատ շահաբեր գործոյն պարապելով՝

շատ մեծ հարստութիւն ձեռք բերին. իբրեւ օրինակ կ'ուզենք հոս անցողակի յիշել Լեմպերկցի հարուստ վաճառականն՝ Ղխաչատուր (Քրիստոֆ) Աւետիք Պեռնաթովիչ († 1671), որ կրցաւ Լեհաստանի Ալաուիսլաւ Դ թագաւորին 300.000 տուքադի այն ժամանակի համար ահագին գումարը փոխ տալ¹⁰² :

Սուլաւայի Հայոց աւանդութեան համեմատ՝ Սիմէոն (Շիմա) անուն Հայ մը 1600ին¹⁰³, Երեմիա Մոհիլաւ (1596—1606) Մոլտաւիոյ իշխանին ժամանակ, Սուլաւայի Ս. Սէֆէն Ծերուն¹⁰⁴ (ծերունւոյ) նուիրեալ Հայ եկեղեցին շինած է։ Այս եկեղեցին Սուլաւայի մէջ “կարմրաշտարակ եկեղեցի”, անուամբ ծանօթ է, վասն զի զանգակատան աշտարակն մինչեւ վերջին ատեններ կարմիր ներկուած էր. այժմ թէ՛ եկեղեցին եւ թէ՛ աշտարակը թիթղամբ դրուագեալ է, եւ միայն աշտարակին ծայրը կարմիր մնացած է։ Մինչեւ վերջին ատեններ Հայոց գերեզմաննոցն այս եկեղեցւոյն քովն էր, որ այժմ ասկէ ոչինչ հեռու՝ Զամբայի դաշտերուն վրայ ռաղմամթերանոցին քով փոխադրուած է։ Այս եկեղեցւոյն մէջ կը մատուցուին ննջեցելոց պատարագներ, եւ բաց անկէ՝ ամէն մեծ տօներու յաջորդ օրն կանոնաւորապէս պատարագ կը մատուցուի։ Այս եկեղեցին ունի տեսակ մը պատկերաց որմ, եւ բաց անկէ՝ թանկագին վարագոյր մը, վրան Ս. Գրոց պատկերներ բանուած, որոց արձանագրութիւնն է. “Յիշատակ է վարագոյրս Գրիգորի որդուն աստուածասէր եւ սի-

րելի Յոհաննու եւ ծնողաց իւրոց, յերկրին Պուղ-տանաց, ի Սեչով ընդ հովանեաւ Ս. Խաչ եկեղեցուն, գրեցաւ ձեռամբ Յակոբ չնչին երէց-փոխին, Թ. Հ. ՌՄԺ, (= 1761:) Այս եկեղեցւոյն մէջ կայ նաեւ Եկեղեցւոյ երից սուրբ վարդապետաց մէկ պատկերն, 1810ին նկարուած, ռոմանական արձանագրութեամբ: Եկեղեցւոյ յատակը ծածկած են բազմաթիւ տապանաքարեր՝ արձանագրութեամբք, որոնց միայն մէկ քանին ընթեռնելի է:

Նաեւ եկեղեցւոյն արեւմտեան գաւիթը կայ տապանաքար մը, հետեւեալ արձանագրութեամբ. “Այս է տապան հանգստեան Խային եւ Մուղալին, որ է դուստր եւ որդի տէր Անտոնի. հանկեաւ թվ. ՌԿԵ(Է) օգոստոսի օրն Բշաբդի” * (1618):

Յայտօր Սուչավայի Ժողովրդապետական եկեղեցին պահուած աւետարանն այս եկեղեցւոյն մէջ Սուչավացի Յովհաննէս քահանայէն գրուած է յամին ՌՂ (= 1641):

Յամին 1622 Էջմիածնի¹⁰⁵ հայ պատրիարքն Մեւքիսեդեկ իւր հայրենիքէն փախաւ, իւր եղբորորդին զՍահակ իրեն յաջորդ ձեռնադրելէն ետեւ, վասն զի Պարսից Շահ Աբաս Թագաւորին պահանջած 2000 տուֆադ հարկն չէր կրնար

* Ըստ Բժշկեանի, (Ծանապարհորդութիւն, Վեներտ. 1830, էջ 192,) իսկ գերմ. Թարգմանութեան մէջ է՝ “Այս է տապան հանգստեան Խայեայ Մուղալեան, որ է դուստր տէր Անտոնի եւ Մուղալինայ, օրն Բշաբդի ՌԿԷ:”, Թ.

վճարել, եւ Շահն ալ ասոր ամօռանիստ տեղին կործանած էր: Մելքիսեդեկ Լեհաստան եկաւ բնակեցաւ, ուր Մեսրոպ եպիսկոպոսին մահուանէն ետեւ՝ քանի մը տարի Լեմպերկի եպիսկոպոսական ամօռը նստաւ, բայց յետոյ հրաժարեցաւ եւ Բոտողլքի-Վամենից գնաց, ուր եւ յամին 1627, Մարտ 18ին վախճանեցաւ¹⁰⁶:

Արդ յամին 1627¹⁰⁷ Յայտնութեան առաջին հինգշաբթին Մելքիսեդեկ՝ հայրենի աբելելեան հայ հաւատքին յամառութեամբ յարեալ Լեմպերկի հայ հասարակութեան կամաց հակառակ, Լեմպերկի Հայոց եպիսկոպոս ձեռնադրեց զնիկողայոս Թորոսեւիչ հայ քահանայն, որ դէպ ի կամօղիկէ եկեղեցի միտելուն համար քաղաքային խորհրդանոցէն կը պաշտպանուէր: Մելքիսեդեկ զինք իւր յաջորդը կարգեց եւ անոր իրաւաբանութեան ենթարկեց Լեհաստանի, Մոլտաւիոյ եւ Վալաքիոյ բովանդակ Հայերը¹⁰⁸:

Բայց այս ապօրինաւոր ձեռնադրութեամբ պատրիարքն մեծամեծ խռովութեանց եւ Լեմպերկի մեծապէս ծաղկեալ հայ գաղթականութեան անկման հիմը դրաւ. վասն զի Թորոսեւիչ եպիսկոպոսն Յիսուսեան կրօնաւորաց հետ միացած՝ ջանաց պնդութեամբ նոյն գաղթականութիւնն ի կամօղիկէականութիւն դարձնել¹⁰⁹: Այս միութեան անխոհեմ փորձերն ձանձրանալի եւ անհաճոյ դատեր յառաջ բերին, որոյ վերջն եղաւ՝ որովհետեւ խնդիրն ի կողմն եպիսկոպոսին վճռեցաւ, Լեմպերկի Հայոց մեծագոյն մասին ի

Մոլտաւիա գաղթելն¹¹⁰, այնպէս որ 1652ին
 Լեմպերկի այնչափ բազմութիւ եւ ծաղկեալ հայ
 գաղթականութենէն հազիւ 100 տուն մնաց
 Լեմպերկ:¹¹¹

Բնականաբար Թորոսովիչ զՀայս դարձը-
 նելու ցուցած եռանդանն համար Ուրբանոս Ը
 ֆահանայապետէն իրեն եւ յաջորդացը համար
 Արքեպիսկոպոս տիտղոսն ընդունեցաւ¹¹², բայց
 այս իրեն քիչ օգնեց, վասն զի Լեմպերկի հայ
 հասարակութիւնն քայքայած ու ցրուած էր եւ
 ինքն էր հովիւ մը, թէեւ ոչ՝ բոլորովին առանց
 հօտի, սակայն գէթ շատ սակաւ ոչխարաց:

Յամին 1649, Վասիլ Լուբուլ (Ալպանի-
 դուլ, 1634—1653) իշխանին ժամանակ, Հայք
 Սուլաւլայի Մետրապոլտին տպարանին մէջ Աւե-
 տարան մը տպագրեցին՝ իրենց Մինաս եպիսկո-
 պոսին հսկողութեան տակ¹¹³:

Նաեւ Սէրէթ քաղաքը շատ Հայք կային.
 այսպէս 1653ին Վուկէյցի անուամբ Հայ մը նոյն
 քաղաքին մէջ տուն մը եւ խանութ ունէր, բայց
 քիչ ետքն ստացուածքն ու քաղաքը թողուց:
 Այս ստացուածքներն անցան յետոյ Ռատաուցի
 Քալիսդրու եպիսկոպոսին, եւ յետոյ Փուգնա
 վանքին: Զայս հաստատեց 1756ին Ապր. 17ին
 Կոստանդին Սեհան Ռաքովիցա իշխանն (1753
 —1756), եւ նոյն վանքին տուաւ նաեւ մաքսէ
 ազատութիւն, եւ նոյն խանութին մէջ ըմպելիք
 ծախելու իրաւունք՝ ազատ բոլորովին հարկէ¹¹⁴:

Յամին 1654¹¹⁵, ուստի Գէորգ Ստեփան
 Մոլտաւիոյ իշխանին ժամանակ (1653—1658),

երբ քողաքներու յաճախակի յարձակմանց պատճառաւ առուտուրը բոլորովին դադրած էր, Սդանիսլաւ Ռէվէրա Բողոքքի՝ Զապլոցիէ գիւղին երկիրները Սդանիսլաւ քաղաքին տրամադրութեան տակ ձգեց, եւ հրաւիրեց Հայերը, որ գան հոն բնակին: Այն ժամանակ բազմաթիւ Մոլտաւիացի եւ նաեւ Թրանսիլվանիացի Հայեր հոն դիմեցին, այն տեղ հաստատուեցան, եւ քիչ ետքը Մոլտաւիոյ բովանդակ արջառավաճառութիւնն ձեռք անցուցին¹¹⁶:

Գէորգ Տուգա Մոլտաւիոյ իշխանին երկրորդ գահակալութեան ժամանակ, (1669—1672) Մոլտաւիացի, մանաւանդ Սուչավացի բազմաթիւ Հայեր առաջնորդութեամբ իրենց Մինաս եպիսկոպոսին, որ 1649էն ի վեր աւելեցեալ Հայոց եպիսկոպոսն էր եւ ի Սուչավակը նստեր¹¹⁷, ելան գաղթեցին ըստ մասին ի Ղեհաստան, եւ ըստ մեծագոյն մասին իրենց եպիսկոպոսին հետ դէպ ի Թրանսիլվանիա¹¹⁸:

Հայոց իրենց եպիսկոպոսին հետ պոսպէս բազմութեամբ գաղթելուն պատճառն էր այն ժամանակի հարկերու սաստկութիւնը, բայց մանաւանդ 1671ին¹¹⁹ Հոկտ. 29ին Միքայէլ Հընգուլ անուն անձի մը (որ շատ հաւանական է թէ Հայ մ'ըլլայ,) Պոյարներու նիւթած դաւաճանութեան Հայոց մասնակցելուն համար՝ իշխանէն կրած հալածանքն¹²⁰:

Հայք ի սկզբան Քարաբաղեան լեռներն ապականեցան. եւ երբ տեսան որ իշխանն իրենց կողմն չահլ չկրցան, անցան Թրանսիլվանիոյսահ-

մանը եւ Սէքլէրներու Պիթրից քաղաքն հաս-
տատուեցան: Հոս Միքայէլ Ա Աբաֆի իշխանն
(1661—1686) զերենք ընդունեցաւ՝ երբ իրենք
իրենց Մինաս եպիսկոպոսին հետ խոստացան լա-
տին եկեղեցւոյ միութեան մէջ մտնել¹²¹: Սակայն
իրենց իրական եւ վերջնական միութիւնն եղաւ
Աքսէնտ վէրզիրէվլքի հայ քահանային ձեռօք,
որ յատկապէս այս նպատակաւ Թրանսիլվանիա
եկաւ, եւ համոզեց իւր այս ազգակիցներն որ
Հռոմայ հետ միանան, եւ իրենց Մինաս եպիս-
կոպոսը Լեմպէրկ երթայ հոն հրապարակաւ դաւ-
անութիւն տալու համար: Մինաս 1686ին¹²² Լեմ-
պէրկ գնաց, եւ Բալլավիչինի Վարդինալին եւ հայ-
կաթողիկեայ վարդան Արքեպիսկոպոսին¹²³ առ-
ջեւ († 1715)¹²⁴ դաւանեցաւ լատին եկեղեցւոյ
հաւատքն, եւ խոստացաւ նաեւ իւր ազգակից-
ները ապահովապէս համոզել նոյնն ընելու¹²⁵:

Թրանսիլվանիոյ այս առաջին հայ-կաթո-
ղիկեայ եպիսկոպոսն Մինաս՝ առաւ Պուլտանաց
եւ Մոլտաւիոյ եպիսկոպոսի տիտղոսն, բայց չկր-
ցաւ երկայն ատեն վայելել, վասն զի նոյն տարին՝
1686ին Լեմպէրկի մէջ վախճանեցաւ*: Յամին
1687 Փետր. 13ին՝ Եղիա Մէնտրուլ հայ աւա-
գերիցուն խնդրանօք Լեմպէրկի հայ կաթողիկեայ
արքեպիսկոպոսն՝ վարդան Յունանեան նոյն մի-
աբանասէր Աքսէնտ վէրզիրէվլքի քահանան
Թրանսիլվանիոյ Հայոց եպիսկոպոսական փոխա-

* Ոչ ի Լեմպէրկ, այլ Հունգարիոյ լեւրանց մէջ
վախճանեցաւ իւր քաղաքը դառնալու ժամանակ:
Ստեփ. Ռոշքա, Ժմնկզր. յամին 1686: Ծ. Թ.

Նորդ (Vicar) եւ վարիչ (Administrator) անուանեց¹²⁶ :

Թրանսիլվանիոյ Հայք թէեւ լատին եկեղեցւոյ հետ միացան, սակայն այն ատեն ունէին տակաւին արեւելեան սովորութիւններ, այսպէս պատարագի մէջ իրենց արեւելեան պատրիարքը կը յիշէին, եւ ոչ՝ զՔահանայապետն Հռոմայ, Ծննդեան եւ Յայտնութեան տօնը միեւնոյն օրը կը տօնէին, նաեւ տղոց Հաղորդութիւն կու տային¹²⁷, եւ վերջապէս կուսանաց միայն տարին երեք անգամ եկեղեցի երթալ թոյլ կու տային¹²⁸ :

Մինաս եպիսկոպոսին Սուչավայէն մեկնելէն ետեւ, լատինք աշխատեցան, որ Մոլտաւիոյ հայ եպիսկոպոս մը դնեն, թէեւ միայն անուամբ, եւ այսպէս 1669 ին կը գտնենք Յովհաննէս Քէրէմովիչ անուն Մոլտաւիոյ եպիսկոպոս մը եւ լեմպէրկի Արքեպիսկոպոսին տեղակալ¹²⁹ : Թէ այս եպիսկոպոսն իրօք միայն անուամբ էր, կը տեսնուի Տ. Լուդովիկոս-Մարիամ Բինտու (Յիսուսեան) կրօնաւորին 1669 Ապր. 1 ին գրածէն¹³⁰, որ Հայերն դարձնելու համար Մոլտաւիա ղըկուած էր. ասիկայ կը յիշէ՝ որ այն ժամանակի Յակոբ Կաթողիկոսէն ձեռնադրեալ 50 ամեայ Սահակ եպիսկոպոսն Մոլտաւիոյ՝ 20 քահանայ ունէր իշխանութեանը տակ :

Բինտու նաեւ կարեւոր տեղեկութիւններ կու տայ Մոլտաւիոյ հայ եկեղեցւոյն այն ժամանակի վիճակին վրայ. վասն զի կ'աւանդէ՝ թէ Եաշ իշխանական մայրաքաղաքին Հայերն երկու եկեղեցի, Կալացի, Սէրէթի¹³¹, Հոթինի եւ

Պոթուշանի Հայերն, մէյ մէկ եւ Սուլաւայի Հայերն վանք մը եւ երկու եկեղեցի ունին¹³² :

Հօրն Բինտուի այս տեղեկութիւններէն կ'երեւայ, որ Հռոմէական եկեղեցին Վիհաստանի եւ Մորտուիոյ Հայոց դարձին շատ կ'աշխատէր, որ մասին — ինչպէս քիչ ետքը պիտի երեւայ — մինչեւ մեր ժամանակները կ'աշխատի:

Յովհաննէս Գ Սոպիեպի լեհաց Թագաւորին Տաճկաց դէմ վարած պատերազմին ժամանակ, եւ երբ Մոլտուիոյ իշխեցին՝ Ստեփան Բերիչէյքու, (1672—1674) Տիմիդրաշքու Քանդաքուզին (1674—1676) եւ Կոստանդին Քանդէմիր (1685—1691), Մոլտուիոյ բնակիչներէն շատերը փախան, եւ երբ լեհերն յամին 1675 Հոկտ. 15ին եւ յետոյ յամին 1686 Հոկտեմբերին¹³³ Սուլավա քաղաքն այրացաւեր ըրին, քաղաքին ամէն բնակիչներն՝ նաեւ Հայք փախան, այնպէս որ լեհք երբ ներս մտան, հոն մի միայն անձ մը գտան Դուրքուլէց անուամբ¹³⁴ :

Հմիտ իւր Յիշատակարանաց 187* իջին մէջ կը պատմէ՝ թէ Սոպիեպի յամին 1686 Հոկտ.ին իւր աւերիչ արշաւանքէն դարձած ժամանակ՝ անցնելով Մոլտուիոյ մէջէն, Սուլավա 14 օր կեցաւ մինչեւ որ կայսերական օգնական գունդն հասնի, եւ այս միջոցին այն ժամանակի մի միակ¹³⁵ ամրութիւնն՝ զԶամքա հողաբլրով ամրացուց, որ մինչեւ ցայսօր կը կենայ: Բայց այս պարագայն անոր համար չի կրնար ճիշդ ըլլալ, որ Սոպիեպին ասով այս ամրութիւնն իրեն դէմ զօրացուցած կ'ըլլայ: Բայց ստոյգ է որ Սու-

պիեպրիի գունդն յամին 1691 աշնան այս հո-
ղաբլուրն վար առաւ, երբ երրորդ անգամ Մոլ-
տաւիա արշաւեց, շատ քաղաքներ ու գիւղեր
աւար առաւ, եւ աշնան ետ դառնալով՝ ի Նե-
ամց, ի Սուջավա հայ վանքին մէջ, ի Քրմու-
ղունկ, Հանկուլ, Սէքուլ եւ Ակարիա ամրական-
ներ թողուց:

Զամբայի լեհական ամրոցն (Հայոց վանքն)
Աոստանդին Քանդէմիր իշխանին յարձակումնե-
րէն շատ բան կրեց, եւ որպէս զի ամրականք այս
իշխանին դէմ իրենք զիրենք առաւել եւս պաշտ-
պանեն ամրոցին հարաւակողման պատերը նորո-
գեցին, որ ցայսօր կ'երեւայ, եւ շրջապատեցին
ամբողջն հողաբլրով, որ ցայսօր կեցած է: Զամ-
բայի եւ վերոյիշեալ ամրութեանց ամրական-
ները նոյն տեղերէն մեկնեցան Քարլովիցի խա-
ղաղութենէն ետեւ, յամին 1699 Յնր. 26¹³⁶:

Յամին 1690 Հոկտ. 3, ուստի վերոյիշեալ
Աոստանդին Քանդէմիր՝ Մոլտաւիոյ իշխանին ժա-
մանակ, Աղեքսանդր Ը Քահանայապետն հաս-
տատեց զԱքսէնդ Վերդերէվսքի, զոր Լեմպերկի
հայ-կաթողիկեայ Արքեպիսկոպոսն Վարդան
Յունանեան յամին 1687 Փետր. 13ին Թրան-
սիլվանիոյ եւ Մոլտաւիոյ Հայոց եպիսկոպոսական
փոխանորդ եւ տեղապահ անուանած էր: Վեր-
դերէվսքի նոյն Արքեպիսկոպոսէն յամին 1691
Յուլ. 30ին Լեմպերկի մէջ եպիսկոպոս ձեռնա-
դրեցաւ¹³⁷, եւ ձեռնադրութեան ներկայ գտնու-
եցաւ Մոլտաւիոյ հայ աւագերէցն՝ Եղիա Մըն-
տրուլ Սուջավացին, որ եւ հոն հռոմէական հաւ-

ատոյ դաւանութիւն տուաւ, զոր արդէն յառաջագոյն տուած էր Կարդինալ Կանդելմոսի առջեւ ի վարչաւա, ուր ուրիշ ութը նշանաւոր եկեղեցականաց հետ գացած էր միութեան դաւանութիւնը տալու¹³⁸ :

Սակայն վերգիրէվքի եպիսկոպոսն ձախորդութիւն ունեցաւ, վասն զի յամին 1697 Պիսթրիցի առման ժամանակ Տաճիկներէն գերի բռնուեցաւ, եւ հազիւ Քարլովցի խաղաղութենէն ետեւ յամին 1699 ազատ թողուեցաւ: Վերգիրէվքի մեռաւ յամին 1715 ի վիեննա¹³⁹ :

Սուչավայի ստորագրութիւն մը, 1693ին լատին լեզուաւ գրուած¹⁴⁰, կ'ըսէ. «Սուչավայի Հայոց թիւն տղոց հետ մէկտեղ 3000 է, ունին 4 եկեղեցի, որոնցմէ 3ը ժողովրդապետական եկեղեցի է. եկեղեցիք են Ս. Երրորդութիւն, Ս. Խաչ, Ս. Սիմէոն: Այս իւրաքանչիւր եկեղեցեաց ժողովրդապետներն 150 ընտանիքէ կը հագացուին: Հայ եպիսկոպոսը քաղաքէն դուրս կը բնակի (Զամբա): Սուչավայի հարաւային կողմը քառորդ մըն հեռու կայ կուսաստան մը¹⁴¹, որուն եկամուտքէն խաղաղութեան ժամանակ 40 կոյս եւ այրի ի միասին մէջը կ'ապրին: Ամէնքը կ'ապրին ըստ հին սովորութեանց՝ առանց պարտաւորիչ կանոն կամ իրական ուխտ ունենալու, բայց ամենայն ջերմեռանդութեամբ եւ համեստութեամբ:»

Կոստանդին Տուքա Մոլտաւիոյ իշխանին ժամանակ (1691—1696) հայ-կաթողիկէպո-
ֆորեպիսկոպոսն Աստուածատուր Ներսէսեան¹⁴²,

Եպիսկոպոս Տրայանուպոլսոյ ի կողմանս անհաւատից (in partibus infidelium), թղթեր առած Լէոբոլոս Ա. Կայսրմէ, եւ Լեհաց Օգոստոս Բ. Թագաւորէն եւ Առաքելական Աթոռէն, որ ամենայն կերպով կը ջանար Մոլտաւիոյ Հայերն ի միութիւն բերել, ուղեւորեցաւ Մոլտաւիա առ իշխանն, — հաւանականաբար այն ժամանակ կ'իշխէր Անդիոյ Քանդէմիր իշխանն (1696—1701), որ այնչափ հաւանական կ'երեւայ, որչափ Օգոստոս Բ հազիւ 1697ին Յունիս 27ին¹⁴³, Սոպիեպքիի 1696ին Յունիս 17ին վախճանելէն ետեւ, Լեհաց Թագաւոր եղաւ — Ներսէսեանի գիտաւորութիւնն էր իշխանէն հրաման առնուլ՝ որ Մոլտաւիոյ արեւելեան հայ եկեղեցիները Լեմպերկի կաթողիկեայ հայ Արքեպիսկոպոսին իրաւաբանութեան ենթարկուին. բայց այս չյաջողեցաւ իրեն:

Յամին 1704, Մոլտաւիոյ Միքայէլ Ռաքովիցա իշխանին ժամանակ (1703—1705) Սուլաւայի հայ հասարակութիւնն աճեցաւ, երբ Թրանսիլվանիոյ Եղիսաբեթոպոլիս (Պաշպալով) քաղաքէն Հայեր Սուլաւա դաղթեցին, վասն զի Թրանսիլվանիոյ իշխանն Փրանկիսկոս Բ Ռաքոսի Հայոց ստացուածքներն յափշտակել եւ տննինին այրել հրամայեց, Հայոց իրենց կայսեր հաւատարիմ մնալուն համար¹⁴⁴:

1707ին Մարտ 10ին Լեմպերկցի հարուստ հայն՝ Դոմինիկ¹⁴⁵ Պոկտանովիչ 300 լեհական Ֆլորին կտակեց Սուլաւայի Ս. Աստուածածնի հայ եկեղեցւոյն (Հաճկատար) նորոգութեան

Համար, զոր իւր նախահաւն Տրական Տանուպք շինած էր, եւ որ թշնամեաց յաճախ յարձակմամբն շատ վնասուած էր¹⁴⁶:

Յամին 1762 Հայ մը ծախեց իւր երկիրներն, որ Քոզմանի շրջանակին մէջ էր, Քրիստիանի զօրապետին՝ Փիլիպպինի (Prilipeze) գերմանացի գաղթականաց Համար¹⁴⁷. սակայն այս գաղթականութիւնն չկրցաւ այս երկիրները ձեռք բերել, մանաւանդ թէ գրաւականն ալ կորսնցուց, վասն զի հաւանօրէն ծախողն երկրին բուն տէրը չէր այլ վարձակալը, եւ հետեւաբար ծախելու իրաւունք չունէր:

Երբ ականորիական բանակը Պուքովինա գրաւեց, Փոն Սբէնի զօրապետն 1775ին միայն 58 Հայ¹⁴⁸, 2 Հայ քահանայ եւ 1 սարկաւագ գտաւ¹⁴⁹. իսկ Կարողոս Ֆրայհէր Փոն Էնցէնպէրկ, որ 1778 Ապրիլէն մինչեւ 1786 Հոկտ. նոյն երկիրը կառավարեց¹⁵⁰, 200 Հայ ու յոյն կալուածատէրներ գտաւ, մեծ եւ հարուստ մասն Սուլափա քաղաքը կը բնակէին, ուր 1778—1779 գրեթէ 60 փայտաշէն տուն շինել տուին:

Էնցէնպէրկ զօրապետն յետոյ Սուլափայի մէջ 118 Հայ ընտանիք գտաւ¹⁵¹: Էնցէնպէրկի վարչութեան ատեն Հայք ստոյգ 200 հոգիէ աւելի էին, վասն զի իւր գտած 118 ընտանեաց իւրաքանչիւրն եթէ միայն 3 հոգիէ բաղկանար, որ ստուգիւ շատ նուազ հաշուուած է, Սուլափացի Հայերն 350 եւ թերեւս աւելի կ'ըլլան: Թէ Պուքովինայի գրաւման ժամանակ նոյն տեղ աւելի էին թուով, քան որչափ պաշտօնապէս կը

հաշուուէր, յայտնի է նաեւ Շւէօցերի թղթակցութենէն¹⁵², ուր կը կարդանք թէ 1779ին Սուլաւա 131 հայ ընտանիք կը բնակէին:

Այն ժամանակի Հայոց մէջ ի մասնաւորի կը յիշուի Սուլաւացի հարուստ վաճառական մը¹⁵³, Յովհաննէս Քաբրի, որ ամէն տարի 3000 ֆլորինէ աւելի մաքս կը վճարէր¹⁵⁴, եւ Սուլքա վանքին պատկանեալ Եակոբեշտի կալուածներու կէսը կը վարձէր, որ Մոլտաւացի Սէքլէրներու գաղթականութեան սահմանեալ էր¹⁵⁵, եւ որ «Ֆրայհէր», ազնուականութեան աստիճանին ամբարձուած էր՝ Պուքովինայի արեւելեան Հայերն հռոմէական եկեղեցւոյ միաբանութեան բերելու օգնելու համար:

Պուքովինայի գրաւման ժամանակ Գրիգոր Փռունգուլ անուամբ հայ մը կար՝ որ Պուքովինայի դատաւոր էր. ասոնց որդիքն Յարութիւն, Ղուկաս եւ Խաչերես (Cirste) 1790ին իրենց մոլտաւեան ազնուականութեան հաստատութիւնն ընդունեցան:

Յետոյ Թրանսիլվանիայէն շատ Հայեր եկան Պուքովինա, եւ ծանուցին որ Սուլաւա կը հաստատուին եւ տուն կը շինեն, եթէ Սուլաւայի բերդերու աւերակներէն իրենց ձրի քար տրուի¹⁵⁶: Դժբախտաբար իրենց խնդիրքը կատարուեցաւ ի վնաս պատմական յիշատակարանաց¹⁵⁷:

Բերդին աւերակներուն քարերէն Հայք աներ շինեցին, որոնք Սուլաւայի Հայոց թաղին մէջ ցայսօր կ'երեւան՝ մոլտաւական ոճով գաւթին մէջտեղը գիւղական շէնքերու նման քարե-

ղէն տներ: Պարոն Բաբրի քաղաքին մէջտեղը նոյն քարերով շինեց այն մեծ շէնքն որ այսօր Hôtel Langer կը կոչուի¹⁵⁸, որուն մահանը մէկ դստիկոն բարձր է¹⁵⁹: Այսպիսի դստիկոնաչափ բարձր միջինդարեան մահաններ, որոնց վըայ երբեմն Մոլտավիոյ իշխանաց պալատը կար, կան Hôtel Langerէն 50 քայլ հարաւակողմն եղող տան տակ, որ երբեմն Hôtel de Moldavie կը կոչուէր, նոյնպէս այն մէկ դստիկոն տան տակը, որ արեւելեան-յունական բարձրագոյն գիմնասիոնին քով եւ Ս. Դեմետրիոս եկեղեցւոյն դիմացն է¹⁶⁰: Տեղական ըմբանական աւանդութիւնը կ'ըսէ՝ թէ այս վերջին մահանն թէ՛ Hôtel Langer ի եւ թէ՛ Hôtel de Moldavie ի մահաններուն հետ յարաբերութեան մէջ է, եւ թէ՛ գլխաւոր փողոցին եւ Ս. Դեմետրիոս եկեղեցւոյ տակէն անցնելով՝ կ'երթայ տեղ մը Սուլաւա գետին մէջ կը հանէ: Այսպիսի գետնափոր, կոփածոյ քարէ շինուած եւ քարայտակ հին մահանի մը բերանն կայ ցայժմ Հայոց ժողովրդապետական եկեղեցւոյն եւ Landwehr զինուորանոցին մօտ՝ Միքայէլ Աբրահամ Սուլավացւոյն պարտիզին մէջ:

Յամին 1776 Լեմպերկցի հայ վաճառականն Նիկորովիչ¹⁶¹ առաջարկեց Տաճկաստանէն եւ Մոլտավիոյ Պոթուշան քաղաքէն շատ հայ ընտանիքներ Պուքովինա եւ ի Սուլաւա գաղթական բերել այն պայմանաւ՝ որ Սուլաւա քաղաքն վաճառականական ազատ քաղաք ըլլայ, ինչպէս Կալիցիոյ Պրոտի քաղաքը, զոր Յովսէփ

Բ կայսրն 1786ին յանձն առաւ¹⁶²: Կ'երեւայ թէ Տաճկաստանի կողմանէ դժուարութիւնք ելած են այս խնդիրն գործադրելու:

Յամին 1781 Սուլթան Տաղիւ 129 հայ ընտանիք¹⁶³ եւ յամին 1786՝ 114 ընտանիք¹⁶⁴ կային: Սակայն 1802ին շատցան հայ ընտանիք մինչեւ 205 ընտանիք 965 հոգւով¹⁶⁵: Յամին 1820 Սուլթան կար 200 հայ տուն¹⁶⁶, ուրեմն կրնանք 200 ընտանիքէ աւելի համարիլ: 1825ին Սուլթան կային 250, յամին 1857 նոյն իսկ 530¹⁶⁷ եւ այսօրս գրեթէ 300 հայ ընտանիք 1200 հոգւով:

Միաբանութեան աւանդական ճիգը Մոլտաւիոյ արեւելեան Հայոց վրայ նաեւ այն ատեն եռանդեամբ գործադրուեցաւ, երբ Պուքովինա Աւստրիական կայսրութեան անցաւ, եւ Յովսէփ Բ կայսեր բաղձանաց համեմատ¹⁶⁸ յաճախ առաքեալներ ղրկուեցան Սուլթանի Հայոց:

Այս վախճանաւ նախ Բրիտտափոր Բորպուլի հայ-կաթողիկեայ վարդապետն եւ Թրանսիլվանիոյ ժողովրդապետն 1782ին Սուլթան ղրկուեցաւ, ուր եւ հասաւ 1782 Մայիս 10ին¹⁶⁹, եւ սկսաւ աշխատիլ Հայերը դարձնելու: Կ'երեւայ թէ իւր արդիւնքն եղաւ ոչինչ. եւ այս փորձերն կայսեր հրամանաւ 1783 Յունիս 4ին՝ թէեւ առ ժամն՝ ի կախ թողուեցաւ¹⁷⁰:

Յամին 1796 այս փորձեր կրկնուեցան, վասն զի Սուլթանի Հայոց ղրկուեցաւ հայ-կաթողիկեայ վարդապետն Յովսէփ Մոշորոյ¹⁷¹ — որուն տնէն ցայսօր շեռնովից կայ ընտանիք մը:

— սակայն հաւանականաբար Գորպուլիի պէս ուազ արդեամբք:

Կ'երեւայ թէ այնուհետեւ այս փորձերէն ձեռնթափ եղան, մինչեւ որ 1828ին բարձրագոյն հրամանաւ վերստին նոյնին ձեռնարկուեցաւ. այս ժամանակ Հ. Պօղոս Վ. Յովնանեան Վիեննայէն շրկուեցաւ Սուլափա, որ հայերէն լեզուաւ կը յորդորէր Հայերն ի միութիւն, բայց չկրցաւ արդիւնք մը յառաջ բերել¹⁷²: Նաեւ անօգուտ եղաւ Լեմպերկի հայ-կաթողիկեայ Արքեպիսկոպոսին՝ Սամուէլ Ստեփանովիչին երկու անգամ ի Սուլափա երթն եւ յաճախակի քարոզութիւնն, որ եւ Հայոց ժողովրդապետական եկեղեցւոյն մէջ Յովհաննէս Պոթուշան հայ աւրելեւեան քահանային հետ «եւ յՈրդւոյ, յաւելուածին վրայ վիճեցաւ, եւ քահանայն աւնոր այս միացընելու փորձին համար՝ հրապարակաւ անէծք կարդաց անոր վրայ: Այսպէս նաեւ անպտուղ մնացին յաջորդ առաքեալներուն եռանդուն ճիգերն, որպիսիք են՝ Ֆլորիան Միդուլքի 1839ին, Իսակովիչ, Իգնատիոս Ստեփանովիչ¹⁷³ եւ այժմ Վ. Դաւիթովիչ:

Պուքովինայի գրաւման ժամանակ՝ որովհետեւ Սուլափայի արեւելեան Հայք սեպհական եպիսկոպոս չունէին եւ ոչ ալ աւստրիական կայսրութեան մէկ երկրին մէջ կար, Յովսէփ Բ կայսրն¹⁷⁴ Աստրախանի Յովսէփ Արղութեանց Արքեպիսկոպոսին խնդրանաց համեմատ՝ 1786 Մարտ 15ին հրաման տուաւ, որ Պուքովինայի Հայք իրենց քահանայքը հայրենիքէն բերել

տան, Կ.Պոլսոյ Հայոց Պատրիարքին իրաւաբա-
նութեան տակ ըլլան, եւ ասոր հետ հպատակին
Էջմիածնի Կաթողիկոսին՝ որ ի Հայս Ռուսաց¹⁷⁵ :

Ի վերջոյ կ'ուզենք հռոմէական եկեղեցւոյ
հետ միացեալ Պուքովինայի Հայոց վրայ ալ
քանի մը խօսք ըսել :

Միացեալ Հայք Կալիցիայէն եկան Պու-
քովինա արդէն ազգայնութիւննին կորուսած եւ
ըռորովին լեհացած, ըստ մասին Չեռնովից եւ
ըստ մասին Սէրէթ հաստատուեցան, ռոմանացի
Պոյարներու կալուածները վարձեցին — որոնք
աւելի սիրով Մոլտաւիա կը բնակէին¹⁷⁶ — ինչ-
պէս նաեւ արեւելեան-յունական եկեղեցւոյ կա-
լուածներն, եւ ինայութեամբու աչալըջութեամբ
ազարակներ մշակելով՝ ժամանակաւ նոյն տե-
ղերու կալուածատէրն եղան¹⁷⁷ :

Այսպէս Պոկտան Ստեփան անուն հայ մը
Սգանիսլաւէն Պուքովինա եկաւ եւ Փալատի ռո-
ման Պոյարէն՝ Օրըշէնեի անուն կալուածը գնեց,
եւ գնման դաշինքը կատարելու համար, ինք
զինք պարտաւորեց գրաւորապէս 1781 Յունիս
8 ին՝ որ նոյն տեղը նոր գիւղ մը հաստատէ եւ
սեպհական ծախիւք 50 գերմանացի ընտանիք
հոն գաղթական բերէ : Բայց երբ նոյն տարւոյ
Յուլիս 7 ին իւր գնումն պաշտօնապէս հաստա-
տեցաւ, իւր պարտաւորութեան կատարումը մոռ-
ցաւ, թէեւ այն շատ անգամ իրեն յիշեցու-
եցաւ¹⁷⁸ :

Այս կաթողիկեայ եւ ի մասնաւորի Չեռնո-

վից գաղթող Հայոց մասին Յովսէփ Բ Կայսրն 1783ին գրած հրովարտական մէջ կ'ըսէ. «Տեղւոյս (Չեռնովիցի) հայ հասարակութիւնն, որուն աստուածային պաշտամանն Ես անձամբ ներկայ գտնուեցայ, է՝ բաց ի սակաւուց, ուրիշ հայ կաթողիկեայց հաւասար: Անոր համար այսուհետեւ իրենց կրօնին քննութիւն չկատարուի, եւ զիրենք իրենց առուտուրին մէջ անհանգիստ պէտք չէ ընել, այլ աշխատելու է ուրիշ այսպիսի մարդիկ ալ հոս բերել¹⁷⁹»:

Այսպիսի կաթողիկեայ Հայեր, որք երբեմն արեւելեան էին, շատ կային ի Պոլսովին, եւ այստեղ կալուածներ ունէին, զորոնք յետոյ թողին եւ Կալիցիա մեկնեցան:

Այսպէս կը գտնենք՝ որ Քրիստափոր Աւրահամովիչ ստացաւ զՀլիպոքա, եւ Յովսէփ Աւրահամովիչ զՏորոշուց եւ զԹօուդրի¹⁸⁰:

Ներսէս, Ստեփան եւ Նիկողայոս Այվազ, որոնք Չեռնովից գաղթած էին, 1789ին կայսերական հաւանութեամբ գնեցին Միդքըու կալուածն, յետոյ նաեւ Ռոսդոքի, Սէրէթ գետի քով Սգանէշդի, Սինըուց եւ Վիժնից կալուածներն:

Միքայէլ, Իգնատիոս, Յակոբ, Գրիգոր, Ղազար եւ Կայեդան, որդիք Անտոն Անտոնովիչի, որ «Cap de bou Jacobowicz», կը կոչուէր, ստացան Պէրհոմէթ, Օշէխիպ եւ Քուչուրմիք կալուածները:

Աստուածատուր եւ Յովհաննէս Պոկտանովիչ գնեցին Օրըշէնի:

Քրիստոֆովիչի որդիքն, որ Հայաստանէն եկած էին եւ ի Սէրէթ հաստատուած, յետոյ քարաբչիու կալուածները գնեցին:

Մալեվիչ Յովհաննէս եւ Անտոն ստացան Մալեդինէց եւ Սդաուչէնի կալուածները:

Միքուլի Ստեփան, Յակոբ, Յարութիւն, Նիկողայոս եւ Թէոդոր ստացան Վասլաուց, Մամորնիցա, Լուքավիցա եւ Յուրին կալուածներն, եւ Միքուլի Լուիզ՝ Քանդաքուզինոյ իշխանէն գնեց Եուժինէց կալուածն:

Մոշոր ընտանիքն հիմնադիր եղաւ Մոսուրիուքայի գաղթականութեան:

Բասաքաս գնեց Վիդէլիուքա կալուածն:

Կայեդան, Աբրահամ եւ Պետրոս Պետրոսեանք գնեցին Զատուպրիուքա կալուածն:

Նիկողայոս Փեդուլ հայն, որ Հայաստանէն եկած էր, ի Սէրէթ հաստատուեցաւ. իսկ որդիքն Կալիցիա անցան:

Յակոբ Միքայէլ եւ Գրիգոր Ռոմաշքաններն որոնք 1792ին Մոլտաւիայէն եկած էին եւ Չեռնովից կը բնակէին, Տոլհոբուլէ, Իսբաս եւ Բուդիլլա կալուածները գնեցին¹⁸¹:

Յակոբ Սիմոնովիչ ստացաւ Ռէվաքաուց կալուածն, եւ Վերջապէս Ծատուրովիչք գնեցին Լէնչէշչի եւ Շերըուց կալուածներն¹⁸²:

Ցայսօր Պուքովինա բնակող կաթողիկեայ կալուածատէր Հայերն ունին ի Չեռնովից Շլանկնկասսէ փողոցի վրայ գեղեցիկ եւ որմապատ եկեղեցի մը, որ 1870—1875ին շինուած է դրամաժողովով, եւ նուիրուած է Պետրոս եւ

Պաւլոս Առաքելոյ: Իրենց հովիւն է Ծերունի կանոնիկոսն Ֆլորիան Միդուլքի, որուն մի մի օգնական տրուած է ի Չեռնովից եւ ի Սուչավա:

Այս միացեալ Հայք այսօրս իբրեւ լեհ կ'ապրին¹⁸³, եւ միայն հայ եկեղեցին եւ հայերէն պատարագը կը յիշեցընեն իրենց նախնաբար Հայ ազգէ ըլլալը:

Վերջին ժամանակներս Հռոմ համոզեց լեմպէրկի հայ կաթողիկեայ Արքեպիսկոպոսն, որ վերջնականապէս եւ ամբողջապէս միանայ նաեւ յարարողականս լատին եկեղեցւոյ հետ եւ լատիններէն պատարագ մատուցանեն, որ եւ պիտի ըլլար, եթէ այս վերջին ըոպէին այս լեհախօս Հայոց մէջ ազգայնութեան կայծը չբորբոքէր, եւ իրենց Առաջնորդին ուղղած թղթով չպահանջէին՝ որ իրենց թող տրուի հայ ազգայնութեան վերջին յիշատակն՝ հայերէն պատարագն, ապա թէ ոչ՝ արեւելեան հայ եկեղեցւոյ կ'անցնին:*

* Ճշդիւ ասոր հակառակն հանդիպած է՝ որչափ մենք գիտենք. այսինքն՝ Հռոմ լեմպէրկի հայ Արքեպիսկոպոսին հարցուցած է՝ թէ ինչո՞ւ հայ կղերն իւր սեպական ծէսը չի պահեր ի Կալիցիա. որուն պատասխան տրուած է՝ թէ դարեր գործած են այս շարիքն. որուն առջեւ առնուլ շատ դժուարին է: Ծ. Թ.

Գ Լ ՈՒ Ն Բ.

Պոռքովիմայի արեւելեան Հայոց կրօնական յատ-
կոյթիւններն ու սովորութիւնները :

Յայտնի է թէ արեւելեան Հայք Եւտի-
քէսի հետեւող կը համարուին, եւ թէ քրիս-
տոսի երկու բնութեանց՝ աստուածային եւ
մարդկային բնութեանց չեն հաւատար, եւ թէ
կը մերժեն քաղկեդոնի (4^ր ընդհանուր) ժողովը,
որ քրիստոսի երկու բնութիւն ունենալուն վար-
դապետութիւնը հաստատեց¹:

Քաղկեդոնի ժողովը մերժելուն պատճառն
այն է, որ այս ժողովոյն մէջ հաստատուած վար-
դապետութիւնը չհասկցան. որուն պատճառն էր
հայերէնի աղքատութիւնը նկատմամբ յունարէն
լեզուին: Այսպէս Հայերը չունէին հետեւեալ
յունարէն բառերու համապատասխանող բառեր²
այս է՝ $\varphi\acute{o}\varsigma\iota\varsigma$ = բնութիւն, $\sigma\acute{\upsilon}\varsigma\iota\alpha$ = գոյացու-
թիւն եւ $\acute{\iota}\pi\omicron\sigma\tau\alpha\varsigma\iota\varsigma$ = անձն. այնպէս որ երբ
Յոյնք կ'ըսէին՝ Յիսուս ունի երկու $\varphi\acute{o}\varsigma\iota\varsigma$ (բնու-
թիւն), Հայք կը կարծէին թէ կ'ըսուի՝ երկու
 $\acute{\iota}\pi\omicron\sigma\tau\alpha\varsigma\iota\varsigma$ (անձն), եւ անոր համար կ'ըսէին՝ թէ
քրիստոս մի միակ անձն է:

Սակայն այսօրս արեւելեան Հայ եկեղեցին
քրիստոսի երկու բնութեանց վարդապետու-
թիւնը կը դաւանի, որ կ'երեւայ քրիստոսի կողմ

խոցող գեղարդին վրայ շինուած շարականէն, ուր կ'ըսուի. «Ուրախ լեր ամենուրեք օրհնեալ ծաղիկ, որ մխեցար յարիւն Տեառն մերոյ Յիսուսի, եւ կտրեցան արմատք ախտից եւ ցաւք մեղաց: Բեւ ցուցաւ մեզ խաչեցեալն՝ Աստուծոյ եւ խոր ստոյգ եւ կենդանի*»:

Նշնպէս արեւելեան Հայ եկեղեցին կը նշուի զԵւտիքէս եւ անոր հետեւողները, եւ զանիկայ հերետիկոսաց մէջ կը դասէ: Այլ եւ ամէն ընդհանուր սիւնհոգոսները կ'ընդունի, բաց ի չորրորդէն, ինչպէս որ Հայոց Կաթողիկոսն Յովհաննէս 1848ին Ռուսաց Նիկողայոս կայսեր գրած թղթոյն մէջ կը դաւանի³:

Արեւելեան Հայք ունին շատ հին պատարագամատոյց, զոր Հայոց Առաքեալն Ս. Գրիգոր Լուսաւորիչ լրացուցած է եւ զայն մինչեւ ցայսօր կը գործածեն. ասիկայ Սահակ, Մեսրոպ, Գիւտ եւ Մանդակունի Կաթողիկոսներն ամբողջացուցած են⁴, եւ Ս. Բարսղի եւ Յովհ. Ռսկեբերանի պատարագամատուցին շատ նման է: Հայոց հաւատոյ հանգանակն որթողոքս եկեղեցւոյ հանգանակին հետ նոյն է⁵ առանց «եւ

* Այս աղաւաղեալ վկայութեան քննարկըն հետեւեալն է՝ ըստ Շահխաթունեանցի, (Ստորագրութիւն Կաթ. Էջմիածնի, յԷջմիածին 1842, Հտր. Ա. էջ 49) «... Գեղեցիկ զոյն զովելի ներկեալ արեամբն Յիսուսի...: Աստուածամուխ սուսերդ աստուածախառն զօրութեամբ՝ որով կտրին արմատք ախտից եւ ցաւք մեղաց եւ յանցանաց...: Գեղապաճոյժ Գեղարդն սուրբ եւ թարգմանիչ անմահ Որդւոյն, որով ցուցաւ Աստուած եւ մարդ՝ ըստոյգ մեռեալ եւ կենդանի՝ յոր հաւատաց հարիւրապետն...»:

յորդանյո՞յ յաւելուածի.⁶ սակայն ունի ինչ ինչ յաւելուածներ. ինչպէս՝ «Հաւաքամօ . . . որով ամենայն ինչ եղեւ յերկինս եւ ի վերայ երկրի, երեւելէ՛ք եւ աներեւոյնէ . . . մարդացաւ, ծնաւ հափարելաղէս ի Մարիամայ սրբոյ Կոստէն Հոգեւոջն սրբով . . . ճշմարտապէս եւ ոչ հարձեօք: Չարչարեալ (կը պակսի՝ վասն յեր առ Պոնափոյով Պիղափոսէն) խաչեալ, [Թաղեալ յերրորդ աւուր յարուցեալ (կը պակսի՝ ըստ Գրոյ) ելեալ ի յերկինս Նովին Տար-Տոփն նստաւ ընդ աջմէ Հօր: Գալոց է Նովին Տար-Տոփն եւ փառօք Հօր ի դատել . . . :

«Հաւաքամօ՛ եւ ի սուրբ Հոգին (կը պակսի՝ ի Տէր ի կենդանարան, որ ի Հօրէ ելանէ, որ ընդ Հօր եւ ընդ Որդոյն ի Դեանն երկրպագէ եւ Գաւառի), յանեղն եւ ի հափարելն, որ [սօսեցաւ յօրինս եւ ի մարգարէս եւ յաւերարանս, որ էջն ի Յորդանան եւ Բարդէայ զԱւատեանն (զՔրիստոս) եւ բնակեցաւ ի սուրբան: Հաւաքամօ՛ եւ ի մի միայն ընդհանրական եւ առաքելական եկեղեցի (կը պակսի՝ դասանիօ) ի մի մկրտութիւն, յապաշխարհիւն, ի քաւութիւն եւ ի [Թողութիւն մեղաց (կը պակսի՝ ահն ունիօ) ի յարութիւն մեռելոց, ի դադարանն յաւերանից հոգեոյ եւ Տարծնոց յարտայնութիւն երկնից եւ ի կեանսն յաւիտենականս (կը պակսի՝ յաշիւարհ որ Բաւոյնն է, ափն): Իսկ որ ասեանն եր երբեմն յորժամ ոչ եր Որդին, համ եր երբեմն յորժամ ոչ եր սուրբ Հոգին, համ յոչեկն եղէն համ յայլով երեւելն ասեան լինել զՈրդին համ զսուրբ Հոգին, եւ թէ Գոգնիկն են համ այլայլեկն, զայնպէսն Նովին հաւորեկն եւ աստեւելան եկեղեցի:»

Արեւելեան Հայք կը հաւատան թէ Ս. Աստուածածին միշտ կոյս մնացած է, բայց կ'ըսեն թէ սկզբնական մեղքէ ազատ չէ մնացած¹. ունին որթողութենէրու եւ լատինաց հետ եօթը խորհուրդ, բայց ի հարկաւորութեան՝ երախային մահուան վտանգի ատեն նաեւ աշխարհականի ձեռք մկրտութիւն չեն տար:

Մկրտութեան ծէսն ու արարողութիւնը քիչ մը կը տարբերի որթողութենէն. այսպէս՝ երախայն ամէն մէկ անգամ ջուրն ընկղմելուն աստուածային երից անձանց անուները զատ զատ կ'ըսեն, եւ իւրաքանչիւր կնքահայր մկրտութեան ժամանակ ամէն մէկ ձեռքին մէջ ճրագ մը կը բռնէ: Հայք մկրտութիւնը կը համարին նշան՝ քրիստոսի երեքօրեայ մահուան: Անմիջապէս մկրտութենէն ետեւ նոր մկրտեալն սուրբ մեռնով կ'օծուի,² ինչպէս նաեւ որթողքսք անմիջապէս մկրտութենէն ետեւ կ'օծեն:

Արեւմտեան աստուածաբանից³ այն խօսքն՝ թէ նոր մկրտեալ տղուն անմիջապէս վերջին օծումն կը տրուի, ինչպէս նաեւ այն՝ թէ հայ աստուածաբանք զայս այնու կ'արդարացնեն, որ հայ ազգն ամէն տեսակ հալածանքներով ցրուեալ ըլլալուն՝ դիւրաւ կարելի չէ այս խորհուրդը մատակարարող քահանայ գտնել, սխալ է. վասն զի երբեք վերջին օծում չի տրուիր աշխարհականաց:

Նորակնուք մանկան անմիջապէս Հաղորդութիւն կը տրուի հետեւեալ կերպով. քահանայն մէկ մատը կը թաթխէ բաժակին մէջ,

որուն մէջ է քրիստոսի մարինն ու արիւնն, եւ այն մատովը կը շօշափէ մանկան շրթունքն. եւ այս պատճառաւ այս Հաղորդութիւնը « շրթնահաղորդութիւն » կ'անուանի¹⁰ :

Ամուսնութեան խորհուրդն որթողոքս եւ կեղեցիէն կը զանազանի միայն քանի մ'աղօթիւք¹¹, նոյնպէս ուրիշ արարողութիւն մ'ալ կը կատարուի, այսպէս՝ ամուսնացեալք վիղը մետաքսեայ չուան մը կ'անցուի, որոնց ծայրը կրծոց վըայ խաչաձեւ կը փակցուի մոմով, որ եւ նշան է երեքօրեայ ժուժկալութեան: Երեք օր ետքը, նաեւ երբեմն ամուսնութեան յաջորդօրը քահանայն աղօթքով կը քակէ այս կապերն: Յառաջագոյն — ինչպէս նաեւ այժմ յԱսիա — փեսին ձեռքը սուր մը կը տրուէր՝ իբրեւ նշան կնոջ վըայ ունեցած բացարձակ իշխանութեան:

Այրին իւր հանգուցեալ ամուսնոյն համար տարի մը սուգ կը բռնէ:

Հաղորդութիւն աշխարհականաց կը տրուի երկու տեսակով, բայց անխմոր հացիւ եւ անջուր (անապակ) սպիտակ կամ կարմիր գինւով¹², բայց նախ պէտք է որ մեղքերը խոստովանուի, որմէ ազատ են միայն — եօթը տարւընէ վար տղայք:

Ապաշխարանքը կը կատարուի պահօք եւ մեղաց խոստովանութեամբ:

Վերջին օծումն, ինչպէս ըսինք, աշխարհականաց երբեք չի տրուիր, այլ միայն քահանայից. երբ ծանր հիւանդ են, եւ մահուան անկողնոյ վըայ, իսկ աշխարհականաց վըայ քա-

4. Եօթնօրեայ պահք վերացման սուրբ խաչի տօնէն յառաջ (խաչի պաս):

5. Եօթնօրեայ պահք վերափոխման տօնէն յառաջ (Աստուածածնայ պաս): (Այստեղ մտադիր կ'ընեմ՝ որ վերացման սուրբ խաչի եւ վերափոխման տօներու նախատօնակին՝ երեկոյեան պաշտամունք [ուումաներէն denie կոչուած] կը կատարուին):

6. Եօթնօրեայ պահք Ս. Թադրայ Մծբնայ տօնէն յառաջ (Ս. Թադրայ պաս):

7. Եօթնօրեայ պահք՝ սահմանեալ ի Ս. Գր. Լուսաւորչէ ի յիշատակ դարձին Հայոց ի քրիստոնէութիւն, որ կը պահուի "Մաքսաւորաց եւ Փարիսեցւոց" շաբթուն մէջ (Առաջաւորաց պաս):

8. Եօթնօրեայ պահք Եղիա մարգարէին տօնէն յառաջ (Եղիական պաս):

9. Եօթնօրեայ պահք ի յիշատակ Երեւման սուրբ խաչի ի լերին վարագայ ի Հայս, որ կը պահուի Հոկտեմբեր ամսոյն մէջ Երեւման խաչի տօնէն երկու շաբաթ ետքը:

10. Եօթնօրեայ պահք Ս. Գր. Լուսաւորչի տօնէն յառաջ:

11. Եօթնօրեայ պահք, որ Ս. Սարգսի տօնէն յառաջ փետրուարին (Բարեկենդանի մէջ) կը պահուի (Յիսնակաց պաս):

12. Վերջապէս տասնշաբաթեայ պահք ամբողջ տարւոյն մէջ, բոլոր չորեքշաբթի եւ ուրբաթ օրերն ի միասին հաշուելով¹⁷:

Հայր "Սուրբ Աստուած" երգին կը յա-

ելուն “Որ վասն մեր խաչեցար”¹⁸, որ Աբրահամ կաթողիկոսին հրամանաւ 596ին Դըւնայ ժողովոյն մէջ ընդունելի եղաւ¹⁹։

Հայկական նուիրապետութիւնը կը կազմեն՝ Եպիսկոպոսութիւն, Քահանայութիւն եւ Սարկաւագութիւն։

Եպիսկոպոսութիւնն երեք աստիճան ունի։ Արքեպիսկոպոս, Եպիսկոպոս եւ Վարդապետ²⁰։

Վարդապետք Աստուածաբանութեան ուսուցչութեան աստիճան ունին, կրօնաւոր են, երբեմն թեմեր կը կառավարեն եւ եպիսկոպոսական պաշտամունք կը կատարեն։

Սարկաւագութիւնը երկու աստիճան ունի՝ Աւագ սարկաւագ, որ արտօնութիւն ունի Ս. Աւետարանը կարդալ²¹ եւ սկիհն նուիրատնէն ի խորան բերել, եւ Սարկաւագ։ Վերջապէս կան նաեւ ուրիշ կղերական փոքր աստիճաններ, ինչպէս՝ ջահընկալ, երգմնեցուցիչ եւ դռնապան²²։

Դարձեալ արեւելեան Հայք կը զանազանեն “սպիտակ” (աշխարհական) քահանայ, որպիսի են ամուսնացեալ քահանայք եւ սարկաւագունք, եւ “սեւ” արքեպիսկոպոս, որպիսիք են՝ եպիսկոպոսունք եւ վարդապետք²³։

Հայ եպիսկոպոսունք 1181էն ի վեր եկեղեցական պաշտամանց մէջ լատինական թագ կը գործածեն, որպէս զի զանազանին վարդապետներէն եւ քահանաներէն, որոնք եկեղեցական պաշտամանց ժամանակ որթողքս եպիսկոպոսաց թագը (սաղաւարտ) կը կրեն։

Արեւելեան Հայոց եկեղեցական հանդերձն որթողոքս եկեղեցւոյն հետ նոյն է, միայն թէ եպիսկոպոսունք չեն առնուր որթողոքս եպիսկոպոսաց շուրջառն (Sacros), այլ քահանայից գործածած շուրջառն:

Քահանայն՝ որ Տէր֊Դէր կը կոչուի, պատարագի ժամանակ կը գործածէ «Վակաս» կոչուած ուսանացն, որուն արտաքին կողմը 12 Առաքելոց պատկերը կայ, իբրեւ խորհրդական պատկեր Իսրայէլի 12 ցեղերու: Խորանի վրայ քահանայն հողաթափ կը հագնի, բայց «Սուրբ Աստուած» էն յառաջ միայն մոռճակով կը մնայ, եւ նաեւ զարդքն ու սաղաւարտը վար կ'առնու²⁴:

Արեւելեան հայ կղերն ունի երկայն գէս, մօրուք եւ արեւելեան հանդերձ, որթողոքսնեւրու պէս:

Քահանայն դասու մէջ միայն այն ատեն կրնայ միասին երգել՝ երբ փիլոն ունի վրան: Կապոյտ փիլոնը, որ հրամանաւ Կաթուղիկոսին՝ Արքեպիսկոպոսէն կը տրուի, առաջին աստիճան պատուաւորութեան կը նկատուի. երկրորդ բարձրագոյն աստիճանն է ոսկի շղթայով կրծոցխաչ. երրորդ եւ ամենաբարձր աստիճանն՝ որ քահանայի մը կարելի է տալ, է մանուշակ թաւշեայ եկեղեցական խոյր մը «Թասակ» կոչուած, ումաներէն potcap կամ scufie.

Հայկական եկեղեցիք ճարտարապետութեան կողմանէ ճիշդ որթողոքս եկեղեցեաց պէս չ'իմուած են, եւ երգեհոն չ'ունին. խորանն արեւելք ուղղուած է: Պատկերի որմը ³/₄ մեղր

բարձր կանգնուած սեղանը չ'անջատեր եկեղեցիէն, այլ խորանին վրայ է, եւ այնչափ բարձր՝ որչափ որ [թողոքս եկեղեցեաց խորանի կողմնական դռներն կ'ըլլան. սակայն խորանը շատ մեծ վարագուրով մը կը ծածկուի²⁵: Եկեղեցեաց յատակը տախտակամած է եւ գորգով կամ նմանօք ծածկուած. վասն զի հաւատացեալք քանի մ'աղօթից ժամանակ մոռնակով պէտք է որ մնան:

Պատարագիչ քահանայն իւր պատարագչութեան ամբողջ շաբաթը եկեղեցւոյ գաւթին մէջ, եւ կամ եթէ այս չկայ, եկեղեցւոյ քով սենեկի մը մէջ պիտի ննջէ²⁶:

Արեւելեան Հայք մեռոնը Էջմիածնի Կաթողիկոսէն կ'ընդունին²⁷:

Պուքովինայի եւ Կալիցիոյ բովանդակ արեւելեան Հայերն Սուլթանի արեւելեան հայ ժողովրդապետութեան կը վերաբերին²⁸: Կէօ-լէրթի ըսածը՝²⁹ թէ Սուլթանի արեւելեան Հայք երկու ժողովրդապետութիւն ունին, ճիշդ չէ. թէեւ ի Սուլթան երկու ժողովրդապետ կայ, սակայն ասոնք ժողովրդապետութեան մուտքը կը բաժնեն իրենց մէջ, եւ մէկը կ'ընդունի 1000 Փլ. եկամուտ, միւսը 700 Փլ.:

Սուլթանի արեւելեան հայ ժողովրդապետութեան կը վերաբերի նաեւ Կուրա-Հոմա-րուլուի գտնուող 10—15 տնէ բաղկացեալ հայ գաղթականութիւնը, որ եւ այն տեղ հաստատուն նիւթէ շինուած գեղեցիկ եկեղեցի մ'ունի Ս. Գէորգ անուամբ, որուն դրամը գու-

մարուած է Հայոց մէջ, եւ 1867 ին³⁰ շինուած եւ օրհնուած է: Սուլաւալայի ժողովրդապետներէն մին այս եկեղեցւոյ մէջ տարին 5 անգամ պատարագ կը մատուցանէ, այն է 1. Ս. Գէորգայ տօնին, 2. Անմիջապէս Զատիկէն եւ 3. Ծննդեանէն ետեւ. 4. Համբարձման եւ 5. Աւետման: Վերջին երկու տօներն են ի յիշատակ Տիմարկութեան Պարոն Քաբրիի տան որ ի Նեկուդինա:

Սուլաւալայի արեւելեան Հայք տարին երկու անգամ Եկեղեցւոյ նաւակատեաց տօն կը կատարեն, այն է՝ Ս. Յակոբայ օրն ի 29 Դեկտ. եւ ի տօնին Նշման Ս. Կուսի (Վերափոխում), Օգոստոսի 12 ին եւ 18 ին մէջ:

Հայք ունին 12 անդամէ բաղկացեալ եկեղեցական Հոգաբարձութիւն մը, որ ազգէն կ'ընտրուի 3 տարւոյ համար³¹, որոնցմէ 5 անգամ գլխաւոր յանձնաժողովը կը կազմեն, իսկ միւս 7 անդամն երկրորդական յանձնաժողովը, որոնց կանոնադրութիւնը 1872 էն ի վեր Բարձրագոյն իշխանութենէ հաստատուած է:

Եկեղեցական Հոգաբարձութեան գործն է ընչից մատակարարութեան մէջ կարգաւորութիւն պահել եւ ամէն տեղ եկեղեցւոյ շահուն պաշտպան ըլլալ, հսկել ուսուցչաց վրայ՝ որոնք նաեւ եկեղեցւոյ երգեցիկքն են, ունի իրաւունք քահանայն պաշտօնէն կախելու, քահանայացու առաջարկելու ժողովրդեան՝ յընտրութիւն, եւ ընտրեալը առաջարկելու եպիսկոպոսին ի ձեռնադրութիւն: Հոգաբարձութիւնը պարտական է

եռամեայ պաշտօնավարութենէն ետեւ ազգային
Ժողովին համար տալ:

Այս կերպով ընտրեալ քահանայացուն³²
Կ. Պոլիս կ'երթայ, ուր եկեղեցւոյ վարդապե-
տութիւնն ու արարողութիւնները կ'ուսանի եւ
Արքեպիսկոպոսէն քահանայ կը ձեռնադրուի:
Չեռնադրութենէն ետեւ խիստ փականքի տակ
հայրապետական եկեղեցին կը մնայ, 40 օր պա-
հելով եւ հոգեւոր կրթութիւն ընելով, որմէ
ետեւ իւր պաշտօնին կ'երթայ³³:

Սուլափայի մէջ արեւելեան Հայք 4 դա-
սարանով ծխական դպրոց մ'ունին, Ս. Գր.
Լուսաւորչի անուամբ, որ 1824էն ի վեր Ժո-
ղովրդապետական եկեղեցւոյ գաւթին մէջ գե-
ղեցիկ շինութիւն մըն է, եւ հետեւեալ արձա-
նագրութիւնը կը կրէ. «Այս դպրոցն հանդերձ
ամենայն կազմածով շինուեցաւ ի փառս Աս-
տուծոյ Հայ ազգին օգնութեամբ, ի հաւատս
Լուսաւորչին, յօգուտ հայ մանկտւոյ քաղաքին
Սուլափայ. Յամի Փրկչին 1824, ի թվ. Հայոց
ՌՄՀԳ:», Յառաջագոյն հայ դպրոց մը կար ի
Չամբա նոյն տեղւոյ աբեղայից վարչութեան
տակ. բայց Պուքովինայի գրաւման ժամանակ
այս դպրոցն այն ժամանակի մոլտաւական տե-
ղական դպրոցի շէնքը փոխադրուեցաւ: Ամէն
տեղ ուր Հայք կան, ծխական դպրոցներն տե-
ղական Ժողովրդապետէն կը կառավարուին,
որոնք նաեւ կրօնի ուսուցիչ են. իսկ ի Սուլափա
եւ ի Ռոմանիա³⁴ առանձին վարիչ մը կը կա-
ռավարէ: Այս դպրոցներու ուսուցչական մար-

մինը կը կազմեն վարիչն եւ երկու ուսուցիչ, որոնք 300—700 Ֆլ. կ'ընդունին. այս դպրոցի մէջ՝ բաց ի ծխական դպրոցներու առարկաներէն³⁵ որ հայերէն կ'աւանդուին, նաեւ յատուկ ուսուցիչ մը դերմաններէն եւ ռումաններէն լեզուաց դաս կու տայ, եւ նաեւ հայկական եկեղեցական երգեցողութիւն կ'ուսուցուի:

Քահանային ապրուստը — որ արդէն իսկ կատարած պաշտամանց համար՝ թէեւ գին մը սահմանեալ չըլլայ, հարուստ հաւատացեալներէն լաւ վարձ կ'առնու — ինչպէս նաեւ ուսուցչաց, եկեղեցւոյ, դպրոցաց եւ 35—40 աղքատ հայ ընտանեաց ծախքերը կը հոգացուին Սուշավայի հայ եկեղեցւոյն վերաբերեալ Զամբայի եւ Միդդի³⁶ գրեթէ 47() եւեւ ընդարձակ կալուածներէն, եւ նաեւ եկեղեցւոյ շէնքերու եկամուտքէն եւ հաւատացելոց նուէրներէն:

Գ Լ ՈՒՆ Գ.

Պոռքովինայի Հայոց աշխարհական խորքն ու
սովորութիւնքն:

Հայք իրենք զիրենք կ'անուանեն Հայ¹.
ունին մեծանիստ կերպարանք, սաստիկ սեւ մեծ
ու կրակոտ աչք, սեւ մազ, աւելի գունատ քան
թուխ գոյն. սակայն կը գտնուին, թէեւ ցանցառ,
դեղնահեր Հայեր. ունին միջին կազմաճք եւ
զօրաւոր եւ լաւ աճած մարմին: Չեչադէմ շատ
ցանցառ է Հայոց քով: Կը կարծուի՝ որ Ծաղկի
պատուաստը Հայոց ձեռք Եւրոպա անցած է²:

Հայք ունին բոլորովին համեստ կեանք,
բնակութիւն, հանդերձ եւ կերակուր. մեծա-
պէս ժուժկալ են — վասն զի արբեալ Հայ մը
տեսնել շատ ցանցառ բան է — չափաւոր եւ
ողջախոհ, շատ հիւրասէր, առեւտրի մասնաւոր
ձիրք ունին, շատ զուարճախօս են եւ ճարտասան:

Յորեկն, մանաւանդ ճամբորդութեան ժա-
մանակ՝ քիչ կ'ուտեն. իրիկուան արեւելեան սո-
վորութեան համեմատ՝ բազմախորտիկ ընթրիք
մը կ'ընեն:

Թէեւ Հայք սահմանաւորեալ եւ անջա-
տեալ ազգութիւն մը կը կաղմեն, սակայն ուրիշ
ազգաց եւ կրօնից հետ շատ սիրով կը վարուին.
նաեւ յաճախ անոնց հետ կ'ամուսնանան: Ամուս-

նութիւնք սովորաբար փեսին մօրմէն կը կառավարուին:

Հին ատենները Հայք երեք աստիճան պատուաւորութեան ունէին, զոր պատուաւոր ապրելով, աշխատութեամբ եւ ստացուածքով կարելի էր ձեռք բերել. առաջին աստիճան ունեցողներուն տիտղոսն էր «Տէր», երկրորդին՝ «Պարոն» եւ երրորդ ու ամենաբարձրն՝ «Ամիրա»:

Հայք իրենց երկրին մէջ կը զբաղին նաեւ ճարտարապետութեան, արձանագործութեան եւ նկարչութեան. բայց Եւրոպա գաղթելէն ետեւ՝ բաց ի խաղախորդութենէ եւ մորթ կարմրելու արուեստէն, կը զբաղին միայն արեւելքի պլեւայլ ապրանքներու շահաբեր վաճառականութեան, որ են՝ գորգ, սաֆիանի եւ քորտովանի մորթ, համեմանք, մուշկ, խավիար, թառափ, գինի, ձի, զէնք եւ այլն: Նաեւ շատ անգամ իբրեւ թարգման արեւելեան լեզուաց կը գործածուին: Ղեհաստանի, Հունգարիոյ եւ Մոլտաւիոյ վաճառաց միջնավաճառութիւն կ'ընեն: Հունգարիայէն կը բերեն սպիտակ եւ կարմիր փոկեղէն, ձիու ծածկ եւ նկարէն կաշեայ արկղներ. այս առեւտրով Սուչավայի Հայք մինչեւ ցայսօր կը զբաղին, թէեւ ոչ մեծ ձեռնարկութեամբ:

Ապրանքներն՝ արեւելեան ոճով կարաւաններով կը փոխադրուին, առաջնորդուելով կարաւանապետէ մը:

Այս փոխադրութիւններն դէպ ի հեռաւոր արեւելք եւ այլ երկիրներ՝ դիւրագնաց կառ-

քերով ջեն կատարուիր, այլ ձիերու վրայ, լաւ զէնքերով, ուտելեօք եւ ագանելեօք լի կաշեղէն քսակներով ամրացեալ: Այս տեղ յիշենք նաեւ, որ յառաջագոյն հարուստ Հայեր, — ինչպէս նաեւ բարձրաստիճան Ռոմանացիք — մեծ տօնի օրերն հիմակուան պէս փակեալ կառքերով չէին ճեմեր, այլ գեղեցիկ, սպիտակ, արաբական ձիերու վրայ:

Հայք կը զբաղին նաեւ մնավաճառութեամբ, եղան եւ ոչխարի մսի չոր, կարծր եւ միսեալ երշիկներ կը շինեն, զորոնք իրենց ձեւին համեմատ “սալամի, սուճուգ, փողքովէ” կ’անուանեն. նաեւ ոչխարի եւ եղան միս կ’ապխտեն, զոր “պուժէնիցա” կամ “փաստրմա” կը կոչեն: Այս տեսակ չոր մսեղէններ պատրաստելու ստիպուած էին իրենց յաճախակի հալածման ժամանակ. գաղթականութեան ճամբուն վրայ մսեղէն ուտել կարենալու համար՝ ստիպուած էին միսը չորցընել, աղել եւ միսել՝ որ չապականի: Գիտեն նաեւ “սալխէ” (սպանդանոց) մորթուած անասնոց ճարպէն ճրագ եւ օճառ շինել, որ գործոյն կ’օգնեն նաեւ կանայք:

Վերջին ժամանակները կը զբաղին միայն գիւղատնտեսութեան, արջառաքութեան եւ ի վիեննա եղ փոխադրելու, արջառի տեսակներ մորթելու, պանիր շինելու եւ բամբակի առետորոյ. սակայն հետզհետէ վաճառականութեան ասիւն ճիւղերը կը կորսնցընեն, վասն զի իրենց արուեստակից եւ աւելի բազմաթիւ ու հարուստ Հրեայք զիրենք կը գերազանցեն, որուն քիչ

նպաստ չ'ըներ նաեւ կրթութեան հետ ստացուած քնքոյշ կեանքը, մեծամեծ շուայլութիւնք եւ վաճառականութեան հետ կապուած նիւթական վշտակեցութենէ սոսկալն: Եւ սակայն մինչեւ ցայսօր Պուքովինայի առանձնական մեծ կալուածատեարց երրորդ մասը կը կազմեն Հայերն:

Այն սովորութիւնը՝ զոր ունէին Հայք առեւտուր ըրած ժամանակ, այն է՝ ծախողին կամ գնողին ձեռքը գրեթէ բռնաբար ճմլել եւ վերջէն միւս ձեռքով վրան զարնել, յաճախողին համակրութիւնը վաստըկելու համար, նաեւ ուրիշ ազգաց քով՝ ի մասնաւորի Պուքովինայի Ռումէններու քով, մոտ գտած է, եւ ցայսօր կայ, իբրեւ յիշատակ այն օրերու՝ երբ Հայք երկրին բովանդակ առուտուրն ձեռք անցուցած էին:

Սուչավայի Հայոց բնակարանները — ինչպէս նաեւ իրենց թաղին փողոցները — մաքուր են, եւ սովորաբար լայն, եւ թէ արեւելեան ոճով երկայն «էպէլներով», եւ թէ նորագոյն կարասեօք լաւ կահաւորուած են: Տներու յատակագիծը գրեթէ միշտ քառակուսի է, բաւական բարձր, սովորաբար պարտիզի մէջ, սուր եւ սեպ տանիքով, եւ մոլտաւեան ոճով՝ տան շուրջը փայտեղէն անցք մը կ'ըլլայ, եւ կամ — եւ այս գրեթէ միշտ — ունին փայտէ կամ քարէ սիւններով յարկի տակ՝ տան առջեւ բաց տեղ, ուր տաք օրերուն կէսօրէն ետեւ թաւամազ տանտէրը՝ մէկ քանին նաեւ արեւելեան երկայն եւ բազմածալ հանդերձից մէջ փաթթուած՝ իւր

երկայն՝ քաղցրաբոյր եւ սաթագլուխ ծխափողը
կը ծխէ եւ թաս մը խահուէ կ'առնու, իւր ըն-
տանեաց կամ դրացեաց հետ կը շաղփաղփէ,
կամ ճիշդ արեւելեան կերպով ժամանակ կ'ան-
ցընէ:

Միմիկինովիչ - Սդաուֆէի ըսածն, թէ Հայք
իրենց տներն ու պարտէզները «ամենաբարձր
տախտակներով» կը պարսպեն, ճիշդ չէ. բայց
տարակոյս չկայ որ Հայք հասարակավարաց եւ
ընկերավարաց բարեկամ չեն, եւ կը ջանան
ճգամբ վաստկած ինչքն ու ստացուածքն պահել:

Պէտք է նաեւ յիշել՝ որ Սուլափայի Հայք
ունին սեպհական ազգային գաղթ մը՝ «Անի» ա-
նուամբ, որ կը գտնուի Ժողովրդապետական ե-
կեղեցւոյ շուրջը նոյն եկեղեցւոյն վերաբերեալ
վարձու տան մէջ, ուր հայերէն, գերմաներէն,
ռումաներէն եւ գաղղիերէն լրագիրներ կան. ու-
նին նաեւ սեպհական սրճանոց մը: Շատ ցան-
ցառ կը տեսնուի՝ որ Հայ մը ուրիշ սրճանոց
մ'երթայ:

Հայոց խոհանոցը թէ՛ նորագոյն եւ թէ՛ ա-
րեւելեան ազգային կերակուրներ կը մատակա-
րարէ. կը սիրեն սաստիկ անուշահոտ՝ սաֆրա-
նով եւ մեղրով պատրաստուած խմորեղէն մը,
զոր «խաթլամէյքի» կը կոչեն, եւ մեղրի մէջ
եփուած ու խորոված ընկոյզ խաշնաշով, զոր
«տալաուզ» կ'անուանեն. դարձեալ՝ թթու կա-
թէ եւ ազատքեղէ շինուած «յուռութով» պա-
տրաստուած գեղնագոյն ապուռ մը, սաֆրանով
եւ մսի ծեծածով պատրաստուած փողխմորի

ապուռ մը, մսի տապակ՝ բրինձով, տապակ գինձով, վերն յիշուած պլեւայլ տեսակ չոր եւ միտեալ համեղ մսեղէններ, եւ վերջապէս երկու տեսակ ցորենի հաց, որ կը կոչուի «լաւաշ» եւ «թումուք» : Հայուն տունն այց ելլող օտարականը կը գտնէ հոն ընդունելութիւն մը՝ արեւելեան սովորական քաղցրաւենեօք, որպիսիք են շաքարի եւ համեմուկի (vanille) մէջ եփուած պտուղներ՝ ռումաներէն «dulcet» կոչուած, «րահաթ» (Rohat) եւ «տաքտաք հէլվա» կոչուած շերտերով : *

Սուլաւայի Հայոց զգեստը մինչեւ վերջին տարիներս լաւ հասարակ արեւելեան էր, երկու սեռինն ալ հաւասարապէս : Այրը կը հագնէր շապիկ եւ «ռայդույթ» կամ «շալվար» կոչուած սրնոց մը — ձմեռը գառնենիէ շինուած տաք սրնոց մը, ռումաներէն «մէշինի» կոչուած, որ եւ ցայսօր ասդին անդին կ'երեւայ. — վրան յաճախ մետաքսեայ ծաղկենկար վերարկու մը, ռումաներէն «անթէրէօ» (տճ. էնթարէ) կոչուած, որուն աջէն ձախ գոցուող կողերը թանկագին ծաղկենկար տաճկական վարշամակ (շալ) մը մէջքը պատատուերով գոց կը պահէ : Կուրծքին վրայ այս վերարկուին ծալքերուն մէջ գունաւոր՝ յաճախ մետաքսեայ թաշկինակ մը կ'ըլլայ : Առեւտրական ուղեւորութեանց ժամանակ այս վարշամակին տեղ կու գայ լայն «քէմեր» մը, որ է կաշեղէն քսակ մը՝ ապրանք գնելու դրամը կամ

* «Տաքտաք հէլվան», խմորեղէն մըն է, որչափ գիտնք :

ծախուած ապրանքի գինը կրելու համար: “Ան-
թէրէցի” կամ “զոպոնի” վրայ կը հագնին սո-
վորաբար՝ մանաւանդ ամառը, լայն թեզանեօք
կէս-վերարկու մը որ մինչեւ մէջքը կը հասնի
• եւ կեռասագոյն մետաքսէ կ’ըլլայ, զոր կը կոչեն
“Ֆէրմէնէա” կամ ռումաներէն՝ “սուրդէյքա”,
նոյնպէս նոյնը կը հագնին ձմեռն ալ, միայն թէ
այս “Ֆէրմէնէային” աստառը կանաչագոյն, բլր-
դեպ եւ թանկագին մուշտակ կ’ըլլայ:

“Ֆէրմէնէայի” վրայ՝ տարւոյ ամէն եղա-
նակներուն, կը հագնին բրդեայ լայն թեզանեօք
վերարկու մը՝ որուն աստառն է աղուխի մորթ,
եւ մինչեւ ծնկերը կը հասնի, զոր կը կոչեն
“տուլամա” եւ կամ “քացավէյքա”, եւ ասոր
վրայ ալ կտաւէ պճղնաւոր վերարկու մը՝ որ ա-
մառը մետաքսէ, իսկ ձմեռը թանկագին մուշտակէ
• աստառ կ’ունենայ. աս ալ կը կոչուի “ճիւպպէ”:

Արանց ոտնամանն է դեղին սաֆիանէ հո-
ղաթափ, եւ տաճկական “եէմէնի” կամ “պուշ-
մաքէյ”:

Արանց խոյրն էր յառաջագոյն կարմիր ֆէ-
որուն վրայ տաճկական վարչամակ մը՝ “չուլմա”
կոչուած, կը քաշատատուէր. իսկ նոր ժամանակ-
ներ կը դնեն խորունկ՝ վերին մասը մետաքսա-
պատ կղբենւոյ խոյր. իսկ աղքատներն՝ գառ-
նենւոյ բարձր խոյր:

Կանանց զգեստն էր առանց թեզանեայ
երկնագոյն՝ նաեւ մետաքսեայ պճղնաւոր հան-
դերձ մը, որ վերէն ի վայր կը ծածկէր, որուն
• վրայ կու գայ ըստ աստիճանի եւ հարստութեան

իւրաքանչիւրոց՝ Թաւշեայ, մետաքսեայ եւ կամ լոկ կտաւէ “քացալէյքա”, որուն աստառը Թանկագին մուշտակէ, աղուխու եւ կամ գառի մորթէ կ'ըլլար, զոր եւ ցայսօր հայ կանայք հաճութեամբ կը հագնին:

Կանանց գլուխը կը ծածկէր սպիտակ ֆեմը, որուն վըայ մետաքսեայ եւ կամ լոկ կտաւեայ վարշամակ մը այնպէս կը նետուէր՝ որ եռանկեան ձեւով կենայ եւ մէկ անկիւնն ետեւը մէջտեղ ըլլայ: Իսկ ոտնամանն էր տաճկական դեղին սաֆիանէ հողաթափ:

Այս օրերս Հայոցմէ շատերը նորագոյն եւ րոպական ձեւով կը հագուին. սակայն կը գտնուին նաեւ այնպիսիք, մանաւանդ ի Սուլթանապա, որ բազմաձալ՝ երկայն արեւելեան հագուստը կը պահեն:

Ի վերջոյ յիշենք, որ մինչդեռ Պուքովինայի միացեալ Հայք լեհերէն կը խօսին եւ լեհաց բարեկամ են, արեւելեան Հայք Ռումաններու բարեկամ են, եւ իրենց մայրենի լեզուն հետ՝ աւելի սիրով, մինչեւ իսկ ընտանեկան անձուկ շրջանին մէջ ռումաներէն կը խօսին, զոր շատ կատարեալ գիտեն:



ԺԱՆՕԹՈՒԹԻՒՆՔ ՀԵՂԻՆԱԿԻՆ

1 Barącz Sadok, Ryz dziejów Ormiańskich, Tarnopol, 1869, p. 61. Ընդհակառակն Lukacs Christoforus իւր Historia Armenorum Transilvaniae, Viennae 1859, p. 12 կը գրէ. «Թէոդորոս» կարմիր Ռուսիոյ Գուքսն 1062ին Նախիջեւանցի Հայերն իրեն օգնութեան կոչեց, եւ անոնց օգնութեամբը թշնամացն յաղթելով իւր իշխանութեան մէջ անոնց տեղ եւ արաօնութիւններ շնորհեց, — 2 Ersch u. Gruber, Allgemeine Encyclopädie, 5. Theil, p. 358, ծան. 18. — 3 Engel, Geschichte des ungarischen Reiches u. seiner Nebenländer, 4. Theil, 2. Abtheilung, Halle, 1804, p. 108. — 4 Barącz S. Żywoty sławnych Ormian w Polsce, Lwów, 1856, p. 133, 134. Տես նաեւ Schmidt, Suczawas historische Denkwürdigkeiten, Czernowitz 1876, p. 16. — 5 Տես Dr. Bischoff, Urkunden zur Geschichte der Armenier in Lemberg, im Archiv für die Kunde österreichischer Geschichtsquellen, Band 32, Wien, 1865, p. 10 - 12. — 6 Dr. Ficker, Hundert Jahre, Separatabdruck aus der statistischen Monatschrift, Wien, 1875, p. 8, ծան. 20. — 7 Lukacs, անդ. էջ 9. — 8 Անդ. էջ 9, 10. — 9 Hăşdëu, Etymologicum magnum Romaniae, tom II. Fasc. II. Bucuresci, p. 1595 — 10 Suţu N., Notiţiî statistice asupra Moldovei, Iaşi, 1852, p. 50; Czörning, Ethnographie der österreichischen Monarchie, Wien, 1857, Band I, p. 73; Dr. Silbernagel, Verfassung sämtlicher Kirchen des Orients, Landshut, 1865, p. 189; Neugebauer, Die Donau-Fürstenthümer, Breslau, 1854, I. Heft, p. 82. — 11 Suţu, անդ. էջ 50, 51, Silbernagel, անդ. — 12 Neugebauer, անդ. էջ 83. — 13 Pary G. պոս մասին իւր Dissertationes historico-criticae, Vindobonae, 1775, էջ 170. ԳԼԻ ԺԱ. գրքին մէջ կ'ըսէ. «Անոնք Արեւելքէն Մոլտաւիա եկան 1418ին. եւ այն երկրին իշխաններէն ընդունուեցան Մոլտաւիոյ եօթն քաղաքաց մէջ, զորոնք նշանաւոր եկեղեցեաց, գերեզմանաց եւ տանց շինութեամբ

դեղեցկացուցին, Engel, անդ. էջ 121. — 14 Lukacsi, անդ. էջ, 13. 14. եւ Schmidt, անդ. 62. — 15 Suțu, անդ. էջ 50. 51. — 16 Անդ. — 17 Dr. Goertert, Die Armenier in Europa u. insbesondere in Österreich-Ungarn, im "Ausland," 1886, p. 480; Lukacsi, անդ. էջ 4. Kurze Darstellung des gegenwärtigen Zustandes des armenischen Volkes, St. Petersburg, 1831, հասկըսուի թէ Անի 1319ին կործանած է. — 18 Lukacsi, անդ. էջ 130. — 19 Hăşdëu, անդ. էջ 1594 — 1599. — 20 Xenopol, Originea Argeşului după dl. Hăşdëu, Ի Թերթին' Archiva societății științifice și literare din Iași, Iași 1889 Nr. 1. p. 64 — 21 Համանուն հիւշ մը կայ յայտօր վանայ ծովուն հիւսիսային եղերքն. — 22 Schmidt, անդ. էջ 17. — 23 Այս էջին իւր քեռան' Լեհաց վլախիւլաւ Թագաւորին 1389ին 3000 արծաթի բուբլ փոխ տուաւ. բովանդակ Բարուցիան եւ Հալիլը գրաւական աւելով: (Xenopol, Istoria Românilor, tom, II, Jassi 1889, p. 140—144) — 24 Barącz, Rys, p. 107. — 25 Barącz, Żywoty, p. 55. — 26 Suțu, անդ. էջ 52. Neigebauer, անդ. էջ 83. Silbernagel, անդ. էջ 189. Տես նաեւ Melchisedek, Inscriptiunile bisericelor arminesci din Moldova, Ի Թերթին Analele Academiei române, seria II. tom, IV. sect. II. Bucuresci 1884, p. 66—71. Papadopol-Calimach, Notiță istorică despre orașul, Botoșani, հանեալ Ի Թերթէ Analele Academiei române, seria II. tom. IX, sect. II. Bucuresci 1887, p. 11—13. — 27 Melchisedek, անդ. էջ 69. — 28 Xenopol, անդ. էջ 251. — 29 Silbernagel, անդ. է 170, ընդ հակառակն Papadopol-Calimach (անդ. էջ 11. 12) կը հաստատէ թէ այն ժողովն 569ին դուստրուած է. — 30 Xenopol, անդ. էջ 251, ծան. 8. — 31 Melchisedek, Cronica Hușilor, Bucuresci 1869, յաւելծ. էջ 24. 25, եւ Papadopol-Calimach, անդ. էջ 9. 10. — 32 Pray, անդ. էջ 170. ԳԼ. ԺԱ. Engel, անդ. էջ 121. — 33 Անդ. — 34 Pray, անդ. էջ 170. ԳԼ. ԺԱ. ընդ հակառակն Engel (անդ. էջ 121) միայն զԱուգուստ եւ այլ 5 քաղաքներ, որոնց առունք չի տար. Հայոց բնակութեան սրտեալ կը նշանակէ. — 35 Xenopol, անդ. էջ 251, ընդ հակառակն Papadopol-Calimach, անդ. էջ 10. փինկ. Cetatea albă, Ի կը յիշէ Եաշ. — 36 Lukacsi, անդ. էջ 5, 52—57. — 37 Kurze Darstellung, էջ 23, 24. ուր տայն Արիիկեան Թագաւորութեան կործանման տարին 1375 կը գրուի: Տես նաեւ Pichler's Geschichte der

kirchlichen Trennung, München 1865, Bd. II., p. 438, 457, — 38 Lukacsi, *անգ.* էջ 8: Istoria, dogmele, tradițiunile și liturgia bisericeî armene de lăsarit, Jassy 1874, էջ 42, 43. Pichler, *անգ.* էջ 457: — 39 Welzer und Welte's Kirchenlexicon, 2. Aufl. Bd. I, Freiburg, 1882, p. 1336. — 40 Անգ. էջ 1337: Kurze Darstellung, էջ 23: Lukacsi, *անգ.* էջ 57: Istoria, էջ 42, եւ Lukacsi, *անգ.* էջ 58: — 42 Հայերէն կը նշանակէ՝ «առաջին գալուստ կամ էջը», կ'ըսուի թէ հոս Նոյայ որդիք տապանէն ելլելէն ետեւ՝ առաջին քաղաքը շինեցին, եւ թէ նաեւ Նոյ այստեղ իսկ իրեն կիներ Նոյմամարա ի Մարանդ թաղուած է (Neumann C. Fr. Geschichte der Übersiedlung von 40.000 Armeniern, Leipzig, 1834, էջ 20, ծան. 11, եւ Neugebauer, *անգ.* էջ 74): — 43 Istoria, էջ 42, 43: — 44 Istoria, *անգ.* Lukacsi, *անգ.* էջ 60: — 45 Արիկայ այդէն 1305ին գահէն հրաժարեցաւ եւ Փրանկիսկեան կրօնաւոր եղած էր: (Wetzer und Welte, *անգ.* էջ. 1338): — 46 Kurze Darstellung, էջ 22 եւ 23: — 47 Անգ. — 48 Papadopol-Calimach, *անգ.* էջ 10: Xenopol, *անգ.* էջ 232, 233: — 49 Dr. Ficker, Völkerstämme der österreichisch-ungarischen Monarchie, Wien, 1869, էջ 26: — 50 Melchisedek, Cronica Huşilor, Appendix, p. 22. — 51 Ռումանիոյ Հայք մինչեւ ջայնոր կալուած գնելու իրաւունք չունին: Տես նոյն անձին «Memoar», Եաշ 1889: — 52 Ատեփան վատայի վաւերագիրն այս մասին կ'ըսէ. «Իշխանութեանէն եւ երկրէն ժողովով հրաման եւ օրէնք տրուեցաւ անոնց առ հառարակ իրենց օրէնքը (Իսկ կրօնքը) պահելու», (Melchisedek, *անգ.* էջ 25): — 53 Neugebauer, *անգ.* էջ 84: — 54 Engel, *անգ.* էջ 182, եւ Papadopol-Calimach, *անգ.* էջ 10: — 55 Deme-trius Cantemir, Descriptio Moldaviae. Գլ. ԺԴ. էջ 243: — 56 Wickenhauser, Moldawa, Wien, 1862, էջ 63, 13: — 57 Xenopol, *անգ.* էջ 170—172: — 58 Wickenhauser, *անգ.* էջ 63, 64, 17: — 59 Անգ. էջ 65, 66, 24: — 60 Xenopol, *անգ.* էջ 174: — 61 Wickenhauser, *անգ.* 65, 23: — 62 Անգ. 68, 28: — 63 Schmidt, *անգ.* էջ 50: — 64 Lukacsi, *անգ.* էջ 13, 14, 65: Schmidt, էջ 62: — 65 Xenopol, էջ 378: — 66 Baracz, Rys, p. 171: — 67 Սադովկ Պարոնչի (*անգ.*), Շմաի (*անգ.*) եւ Romstorferի (Baudenkmale in der Bukowina, «Wiener-Zeitung», 1890, Nr. 13--15) յառաջ բերած թուականներն հետեւաբար սխալ են: — 68 վերոյիշեալ հե-

ղինականներն առօր օրդին զՊոկտան կը համարին եկեղեցւոյն հիմնադիր. բայց ասիկայ չէր կրնար ըլլալ. վասն զի Պոկտան եթէ արդէն 1512ին ծնած էր, հազիւ քանի մը տարեկան պիտի ըլլար, ուստի իբրեւ մանկիկ կարող չէր եկեղեցիներ շինել տալ: Սուլավայի Հայոց աւանգութիւնը կ'ըսէ, որ Տանովաքի ընտանիքը մինչեւ ցայսօր կերլա կը գտնուի: — 69 Հաճկատար (Հաճկակատար) կը նշանակէ հաճոյք՝ խնդրուած կատարող: — 70 Ինչպէս Սուլավայի առաջին հայ ժողովրդագետն եւ պատրիարքական աւագերէց Տէր Ղեւոնդ Յովհաննէս Քահանայ Բարձրիչ ըսաւ՝ ուրիշ հին զանգակ մը, զոր Հայք Անիէն Մոլտաւիա գաղթած ժամանակ հետերնին բերած են, այժմ Սուլավայի հայ ժողովրդագետական եկեղեցւոյ մէջ կը պահուի՝ փաթեղած: — 71 Արձանագրութիւնն է՝ «Շինեցաւ Թ. 1521, նորոգեցաւ Թ. 1878»: Տես նաեւ Romstorfer, անդ. Nr. 15. — 72 Wickenhauser, Molda, Տար. 1. Ա. Հոր. Ին. 26-րդից. 1886, էջ 66: — 73 Melchisedek, անդ. էջ 21—28: — 74 Wickenhauser, անդ. Xenopol, անդ. էջ 531, 532: — 75 Engel, անդ. էջ 191: Xenopol, Istoria Romnilor, Jassy, 1886, էջ 112: — 76 Engel, անդ. եւ Baracz, Rys, էջ 190: — 77 Մինաս Թոխաթեցի ժամանակակից հայ սարկաւազն սոյն այս հայածանքը մանրամասն կը ստորագրէ հայերէն զիպասանական բանաստեղծութեան մը մէջ, որոյ բնագիրն Բարիդի մատենադարանին մէջ կը գտնուի: — 78 Wickenhauser, անդ. էջ 75, եւ Lukacs, անդ. էջ 66: — 79 Տես նաեւ Neugebauer, անդ. էջ 83: — 80 Engel, անդ. էջ 192, 193: Xenopol, անդ. էջ 113: — 81 Բամին 1868 ի Սէրէթ Ակորչիններու տապանաքարեր գտնուեցան եւ հռոմէական կաթողիկեայց գերեզմանատան որմոյն վրայ հաստատուեցան (Schmidt, անդ. էջ 115: Wickenhauser, Molda, Հոր. Ա. 26-րդից, 1881, էջ 59, 242: Prelicz V., Geschichte der Stadt Sereth, Czernowitz, 1886, p. 26). — 82 Սլաւերէն կը նշանակէ՝ բերդ, ամրութիւն: Տես նաեւ Palade, O excursiune la Suceavă, Jassi, p. 27. — 83 Պարոնչի ի Żywoty, էջ 5 յառաջ բերած տապանաքարի արձանագրութիւնն սխալ է. ուղիղ ընթերցուածն է՝ «Այս է տապան Ակորչին, որ է որդի Ամիրային, սա է շինող սուրբ տաճարին, հանգեաւ Հայոց ՌԺԱին (= 1602): — 84 Baracz, Żywoty, էջ 5: — 85 Տես նաեւ Palade, անդ. էջ 30: — 86 Palade, անդ. էջ 28, 29: — 87 Անդ. էջ 30: — 88 Այս անուամբ Մոլտաւիոյ մետրապօլիտ մը կայ, բայց ասի-

կայ արդէն 1576ին վախճանեցաւ (Scriban Filaret, Istoria bisericească a Românilor, Jassy, 1871, p. 163) — 89 Palade, անդ, էջ 30—35: — 90 Schmidt, անդ, էջ 137: — 91 Engel, անդ, էջ 215: — 92 Անդ, եւ Xenopol, անդ, էջ 114 եւ 115: — 93 Schmidt, անդ, էջ 138: — 94 Engel, անդ, էջ 216. ծան. 6, եւ Xenopol, Istoria Românilor, Jassi, 1890, tom III, p. 94. — 95 Շմիտի ըսածն, անդ, էջ 139. Թէ «Թովհանէն իշխանն անոր համար «Հայ» ծաղրանունն առաւ, վասն զի Առաքելոց տօներուն միս կ'ուտէր Հայոց պէս, և անոր համար անհիմն է, որ նախ «Հայ» անունն ամենեւին ծաղրանուն չէ, եւ երկրորդ՝ որ Առաքելոց տօներուն նաեւ որթողքս եկեղեցին միս կ'ուտէ: — 96 Barącz, Rys, էջ 116, եւ Żywoty, էջ 141. ուր Շմիտ, անդ, էջ 142 եւ 146, սխալմամբ իբրեւ Պոկտանովիչի յաջորդ Լեմպերկի ամուսնաւոր համարի Սուլավայի երկու հայ եպիսկոպոս, մին առանց անունն յիշատակելու, եւ միւսն՝ զԹովհ. Բուռնանեան, եւ զայս հազիւ 1598ին: Սակայն ստույգ է որ Պոկտանովիչին մի միակ Սուլավայի եպիսկոպոս մը յաջորդեց, այն է Թովհ. Բուռնանեան յամին 1582. որ 1598ին տակաւին Լեմպերկի եպիսկոպոս էր: — 97 Barącz, Rys, եւ Żywoty, անդ: — 98 «Որ... (Պոկտանովիչ) հերձուածին մէջ հանապազորդող ազգին յամառութիւնը կոտորել չկրնալով» (Barącz Rys, p. 116.) — 99 Պոկտանովիչ 1579 Յունիս 28ին Լեմպերկի եպիսկոպոս հաստատուած է: (Barącz, անդ): — 100 Անդ, եւ Żywoty, էջ 68: — 101 Այս տեղեկութիւնը կը պարտիմ՝ Վիքէնհատւերի՝ ելեւմտից խորհրդականին (a. D.) բարեկամութեանն: — 102 Barącz Żywoty, էջ 71: — 103 Տես նաեւ Romstorfer, անդ, Թ. 15, եւ Schmidt, անդ, էջ 150: — 104 Ոչ որպէս Ռոմանգորֆեր (անդ) եւ Շմիտ (անդ) սխալմամբ կը հաստատեն, թէ ոմն Սիմէոն Ծերուն այս եկեղեցին շինած ըլլայ: — 105 Հայերէն կը նշանակէ՝ «Էջմ Սիւածնին», վասն զի այն տեղն, ուր եկեղեցին ու վանքն է. Քրիստոս Հայոց առաքելոյն երեւցած է, կ'ըսուի (Neumann, անդ, էջ 20, ծան. 10): — 106 Barącz, Żywoty, էջ 191: — 107 Barącz, Rys, էջ 119: Lukacs, անդ, էջ 138 կ'ըսէ, որ Թորոսեվիչ 1626ին եպիսկոպոս ձեռնադրուած է: — 108 Lukacs, անդ, Barącz, Rys, էջ 118, 120, եւ Żywoty, էջ 191 332: — 109 Kurze Darstellung, էջ 27, 28: — 110 Barącz, Rys, եւ Żywoty, անդ: — 111 Kurze Darstell. անդ: — 112 Լեմպերկի Հայոց եպիսկոպոսաց տրուած եւ իրենց

գործածած տիտղոսն էր. «Ասաուծոյ եւ Աւաբելական
աթոռոյ շնորհիւ Արքեպիսկոպոս Հայոց Լեմպերկի,
եպիսկոպոս Վալաքիոյ եւ Մոլտաւիոյ եւ ամենայն Հայոց
ընդ ամենայն Թագաւորութիւնն Լեհաց» (Lukaszi,
անդ. էջ 68, 139:) — 113 Lukaszi, անդ. էջ 66,
եւ Schmidt, անդ. էջ 161, 177: — 114 Wicken-
hauser, Molda, Bd. I. p. 59. — 115 Schmidt, անդ.
էջ 176 եւ Baracz, Rys, էջ 167, որ Մոլտաւիացի եւ
Թրանսիլվանիացի Հայոց ի Սդանիսլաւ հաստատուելու
տարին կը գնէ 1662: — 116 Schmidt, անդ. էջ 118:
117 Lukaszi, անդ. էջ 66: — 118 Schmidt, անդ.: —
119 Lukaszi, անդ. էջ 16 կ'ըսէ՝ որ Հայք 1672ին Տաւ-
կոյց երկիրէն Թրանսիլվանիա եկան: — 120 Pray, անդ.
էջ 171: Engel, անդ. էջ 276. Lukaszi, անդ. էջ 16, 133:
— 121 Engel, անդ. էջ 276: — 122 Dr. Ficker, Hundert
Jahre էջ 8. 20 կ'ըսէ՝ որ Հայոց եկեղեցական միաբա-
նութիւնն 1689ին ամբողջապէս կատարեցաւ. իսկ Simi-
ginowicz-Staufe, Die Völkergruppen der Bukowina,
Czernowitz, 1884, էջ 201, արդէն 1684ին կատարուած
կը գնէ: — 123 Մինասայ Լատին եկեղեցւոյ հաւատքը
դաւանելուն ժրայ այսպէս կը գրէ Վարդան Արքեպի-
սկոպոսն. «Մինաս Վ. Եւգոկիացի Ճիլիգտար-Օղլու-
(Ստեփ. Ռոշքա. Ժմնկեր. Չիլիֆտար-օղլու) անուա-
նեալ՝ եպիսկոպոս Մալաւիոյ ինծի հետ եկաւ Լեմպերկ
եւ իննովկենտոս Չի նսիրակին՝ Բալլալիչինի կար-
դինալին առջեւ կաթողիկէ հաւատքը դաւանեցաւ. յա-
մի Տեառն 1686, Հայոց Թուին 1135.» Lukaszi, անդ.
էջ 68: — 124 Baracz, Rys, էջ 193: — 125 Pray, անդ.
էջ 170, 171: — 126 Baracz անդ. էջ 130, եւ Lu-
kacsi, անդ. էջ 68, 139 եւ 140: — 127 Lukaszi,
անդ. էջ 76, ծան 1. 9. 2. 5: — 128 Schmidt, անդ.
էջ 177: «Այնպէս ստոյգ է որ աղջկունք եկեղեցի չեն եր-
թար բայց միայն կաղանդին, Աւետման եւ Վարդապետին»,
Lukaszi, անդ. էջ 78, ծան. 7: — 129 Baracz,
Żywoty, էջ 168: — 130 Այս ձեւագիրն Միւնխենի
Թագաւորական գրաստունն է. եւ վերնագիրն է՝ Breve
relatione della stato, principii et progressi della mis-
sione Apostolica agli Armeni di Polonia e Varschia
sin'al 1-mo Aprile 1669. per il Padre Luigi Maria
Pindou (Papadopol-Calimach, անդ. էջ 13): —
131 Տեա Wickenhauser, անդ. էջ 59, եւ Prelicz,
անդ. էջ. 16, 26 եւ 27: — 132 Papadopol-Calimach,
անդ.: — 133 Schmidt, անդ. էջ 186 եւ 187, եւ Wi-
ckenhauser, Bochofin, Wien, 1874, էջ 40, 41: —
134 Schmidt, անդ. — 135 Այն ժամանակ Չամբա

աակաւին. ամրոց էր, թէեւ քանդաքուցին իշխանն
 յամին 1675 անօթուծեամբ ձեռք բերած ամրոցն յար-
 դիմ էւ խոտով լեցուցած էւ այրած էւ վառօդով
 պայթեցուցած էր (Wickenhauser, անդ, էջ 40): —
 136 Palade, անդ. էջ 33, 34 էւ Wickenhauser, անդ,
 էջ 42: — 137 Lukacsi, անդ, էջ 70, Baracz, Rys,
 էջ 130: 138 Pray, անդ, էջ 171: Lukacsi, անդ, էջ 71
 յառաջ կը բերէ Լեմպերկի Արքեպիսկոպոսին՝ Վարդան
 Բունանեանի առ Եւդակիացին դրած մէկ թուղթն այս
 մասին, ուր կ'ըսէ. «Այս 1691ին Տէր Եղիա Սուլավացի,
 Սէտրուլ անուանեալ, Մոլտաւիոյ աւագերէցն, հոս ի
 Քեմպերկ, իմ Վարդան Բունանեան Լեմպերկի Արքե-
 պիսկոպոսին առջեւ կաթողիկէ հաւատքը դաւանեցաւ:»
 — 139 Lukacsi, անդ. էջ 18: 140 Schmidt, անդ, էջ
 192, 193: — 141 Այսօրւան հայ ուխտատեղին Հաճ-
 կատար կամ Միդդրա: — 142 Baracz, Żywoty, էջ 240,
 436, էւ Rys, էջ 193, զոր Schmidt, անդ սխալմամբ
 «Ետրսէսովիչ» կ'անուանէ: — 143 Engel, անդ, էջ 286:
 — 144 Wickenhauser, անդ, էջ 90 էւ Lukacsi,
 անդ, էջ 18: — 145 Baracz, Żywoty, էջ 81, ոչ
 ինչպէս Schmidt, անդ, էջ 197, սխալմամբ «Ստեփան»
 կ'անուանէ: — 146 Baracz, անդ: — 147 Wicken-
 hauser, Die deutschen Siedlungen in der Bukowina,
 II. Band, Czernowitz, 1887, p. 26. — 148 Եւ ոչ ընտանիք,
 ինչպէս սխալմամբ կը հաստատէ Simiginowicz-
 Staufe, անդ, էջ 127 տես նաեւ Biedermann, Die
 Bukowina unter österreichischer Verwaltung 1775—1875
 2 Aufl. Lemberg, p. 64, էւ Dr. Ficker, անդ, էջ 5,
 ծան 8: — 149 Dr. Ficker, անդ էջ 11: — 150 Dr. Po-
 lek, Die Erwerbung der Bukowina durch Oesterreich,
 Czernowitz. 1889, էջ 54: — 151 Bidermann, անդ:
 — 152 Ամն 1781. Մասն Ը. Տետր. 45, էջ 145: —
 153 Հրեաներն հարուստ Հայերու «Ամաղեկացի» անուն
 կու տային (Dr. Ficker, անդ, էջ 21, ծան, 81) —
 154 Bidermann, անդ: — 155 Wickenhauser, Mol-
 dawa, Բ. Մասն, Չեռնովից, 1877, էջ 53: — 156 Bi-
 dermann, անդ, էջ 65: — 157 Simiginowicz-
 Staufeի անդ, էջ 128 հակառակ խօսքն, ինչպէս նա-
 էւ այն թէ Սուլավայի Հայերն զինուորական վարչու-
 թեան ժամանակ երկու եկեղեցի շինած ըլլան, սխալ
 է: — 158 Նաեւ Schmidt, անդ, էջ 218: — 159 Pa-
 lade, անդ, էջ 42: — 160 Այս եկեղեցին արձանա-
 գրութեան համեմատ 1475ին Ստեփան Մեծ իշխանէն
 իշխանական պալատին էւ Fürstenstrasse (այն փողոցն
 որ այժմ եկեղեցւոյ հիւսիս-արեւելեան կողմը կը հանէ)

- շինուած է (Palade, անդ. էջ 41): — 161 Hormuzachi Endoxius, Documente privitoare la Istoria Românilor, Bucuresci 1876, Bd. VII, p. 315—320. — 162 Bidermann, անդ. էջ 65: — 163 Dr. Goelert, Die Armenier in Europa und insbesondere in Oesterreich-Ungarn, Ausland, 1886, p. 491. — 164 Wickenhauser, Die deutschen Siedlungen, tom II, p. 170. — 165 Rohrer, Ueber die armenischen Bewohner der österreichischen Monarchie, in Liechtenstern's Archiv für Geographie und Statistik pro 1806 II Th. Wien, p. 3. — 166 Barącz, Rys, p. 171. — 167 Dr. Goelert անդ. էջ 168 Lukacs, անդ. էջ 129—131: — 169 Wickenhauser, անդ. էջ 177. — 170 Dr. Goelert, անդ. էջ 489 Բարաչի Սուլայմյի մէջ գործածներն 1795ին կը գնէ: — 170 Wickenhauser, անդ.: — 171 Barącz, Rys, էջ 171: — 172 Անդ. էջ 172, 199: Dr. Goelert, անդ. էջ 490: — 173 Barącz, անդ. էջ 172: — 174 Dr. Goelert, անդ.: — 175 Dr. Ficker, անդ. էջ 1: Dr. Goelert, անդ. էջ 490. — 176 Bidermann, անդ. էջ 23. — 177 Անդ. էջ 65. Dr. Ficker, անդ. էջ 8 եւ Simiginowicz-Staufe, անդ. էջ 128. — 178 Wickenhauser, անդ. էջ 177. — 179 Bidermann, անդ. էջ 73 եւ 74: — 180 Անդ. էջ 65, 66, եւ Barącz, Żywoty, էջ 5: — 181 Անդ. էջ 7, 8, 28, 60, 175, 188, 201, 233, 234, 257, 258, 281: — 182 Անդ. էջ 287, 395: — 183 Bidermann, անդ. էջ 65, 66:
- 1 Այս սիւնհոդոսը մերժեցին հրամանաւ իրենց Աբրահամ կաթողիկոսին 596ին ի Դուլին գումարած ժողովոյն մէջ: Տես Dr. Silbernagel, անդ. էջ 169, 170. Dr. Ficker, անդ. էջ 11, ծան. 25: — 2 Ersch' und Gruber's Encyclopädie, I. Section, I. Theil, p. 359. — 3 Istoria... bisericey armene... p. 2*, 25, 27, 28, 29, 33, 40; Pichler, Geschichte der kirchlichen Trennung, Bd. II, p. 473: — 4 Անդ. էջ 79—126: — 5 Տես Հանգանակ որթողըսաց յունարէն եւ գերմաներէն ի փոքրիկ քրիստոնէականի յոյն կաթողիկէայ եւ արեւելեան եկեղեցեաց, Վիեննա, 1878, էջ 20—23. — 6 Dr. Aschbach, Allgem. Kirchenlexikon, Frankfurt am Main 1846, Bd 1, p. 131. Kurze Darstellung... p. 55. — 7 Aschbach, անդ. էջ 331: — 8 Istoria bis. arm. p. 126. Kurze Darstellung, p. 62. — 9 Herzog, անդ. էջ 504: Aschbach. անդ. էջ 332: Տես նաեւ Kurze Darstellung, էջ 62: — 10 Istoria, էջ 126: Lukacs, անդ. էջ 76: Ծան. 5, եւ էջ 77, ծան. 5: Kurze Darstellung, էջ 62—64: — 11 Istoria, էջ 126: —

12 Անդ, Lukacsi, անդ, էջ 76. ծան. 10: Wetzler u. Welte, անդ, էջ 1343: Kurze Darstellung, էջ 64: Neigebauer, անդ, էջ 82: — 13 Istoria... անդ, էջ 126, 127. ծան. 2: Lukacsi. անդ, էջ 72, ծան. 2, էջ 76, ծան. 6, էջ 77 ծան. 6: Ersch u. Gruber անդ, էջ 359: Aschbach, անդ, էջ 332, 335: — 14 Անահիտ եւ Նանե = Անուա, տես Strabo, XI, XIV, 16. — 15 Տես նաեւ Silbernagel, անդ 198: — 16 Istoria... էջ 128: — 17 Անդ էջ 127 եւ 128, մինչդեռ Սիրպերնակէլ անդ կ'ըսէ՝ թէ Հայք բաց ի մեծ պահոց ունին ուրիշ չորս ութօրեայ պահք ալ, այն է՝ Պահք Ծննդեան, Աւետման, Վերափոխման եւ Ս. Լուսաւորչի: — 18 Meletie, Istoria bisericască հար, Գ: էջ 170. Istoria..., էջ 33 եւ 34. Lukacsi, անդ, էջ 77 ծան. 11: — 19 Silbernagel, անդ էջ 170: — 20 Silbernagel անդ կ'ըսէ՝ թէ Հայ եպիսկոպոսութիւնն ունի երեք աստիճան, այն է՝ Եպիսկոպոս, Արքեպիսկոպոս եւ Մետրոպոլիտ կամ Պատրիարք (կաթողիկոս): — 21 Kurze Darstellung, .. էջ 42: — 22 Անդ: Silbernagel, անդ էջ 171 եւ Aschbach, անդ էջ 333 եւ 334: — 24 Istoria... էջ 129 եւ Kurze Darstellung... էջ 41: — 25 Istoria... էջ 129—131 եւ Silbernagel, անդ, էջ 196: — 26 Անդ եւ Aschbach, անդ էջ 334: — 27 Aschbach, անդ կը հաստատէ թէ պատարագիչ քահանայն պատարագչութեան օրերն եկեղեցւոյ մէջ կը ննջէ, բայց այս ճիշդ չէ: — 28 Kurze Darstellung... էջ 38—40: — 29 Կալեցիոյ մէջ միայն մի միակ արեւելեան Հայ ընտանիք կայ, այն է Եսաբոյանց ի Լուբլովցէ, Սնեադինի շրջանին մէջ: — 30 Էջ 530: — 31 Տես նաեւ Romstorfer, անդ էջ Թ. 15: — 32 Silbernagel, անդ էջ 197: — 33 Aschbach, անդ էջ 334: — 34 Silbernagel, անդ էջ 191 եւ Kurze Darstellung... էջ 41, 42: — 35 Տես նաեւ Neigebauer անդ, էջ 84: — 36 Baracz, Rys, էջ 200 կ'ըսէ, թէ այս դպրոցին մէջ կարդալ գրելն եւ շարական երգելն զատ ուրիշ բան չի սորվեցուիր, որ ճիշդ չէ: — 37 Հայոց կալուածն մինչեւ Ս. Իլլիէ կը տարածուէր. սակայն ժամանակին իշխաններն այն ժամանակի օրինաց համեմատ՝ որ քաղաքաց արուարձանքն ու երկիրներն տեղական իշխանին կը վերաբերին, մասն մասն նուիրեցին Ս. Իլլիէ վանքին, թէեւ Հայք երկայն ատեն դատ վարեցին: (Այս տեղեկութիւնը կը պարտիմ՝ Ա. Վիքէնհատուերի բարեկամութեան:)

1 Rohrer, անդ: — 2 Անդ, էջ 5:

ԱԶԳԱՅԻՆ ՄԱՏԵՆԱԴԱՐԱՆ

Ա. ՈՒՍՈՒՄՆԱՍԻՐՈՒԹԻՒՆ ԵՂԵՆԱՅՈՑ	
ԴԱՏԱՍՏԱՆԱԳՐՈՅՆ	Փր. 1.25
Բ. ԱԶԳԱՅԻՆՈՒԹԻՒՆ ԱԶՆՈՒԱԿԱՆ ԶԱՐ-	
ՄԻՆ ՏԻԻԶԵԱՆՑ	Փր. 1. —
Գ. ԱԳԱԹԱՆԳԵՂՈՍ	Փր. 1.25
Դ. ԱՐԵՒԵԼԵԱՆ ՀԱՅԲ Ի ՊՈՒՔՈՎԻՆԱ Փր.	— 85

This book should be returned to
the Library on or before the last date
stamped below.

A fine is incurred by retaining it
beyond the specified time.

Please return promptly.

